








[Par Pierre Ayrault]


let. orig -



















P. ÆRODII,

QVÆSITORIS

ANDEGAVI,

DE PATRIO IVRE,

*Ad filium Pseudojesuitam.*



PARISIIS,

Apud Ieremiam Perier, via Iacobæa, ad  
Bellerophontis insigno.

M. D. XCIIII.

---

*Cum privilegio Regis.*

THE NEWBERRY  
LIBRARY

Cae

F

39

326

1594a

## AD LECTOREM.



Via iam per triennium quero filium meum maximum (est enim inter Iesuitas) quod priuatim praestitisssem, facio publicè. Ago ut cū reo absente ac fugitino: hoc est, annotatione & programme. Itaque, si tibi videbitur (ô Lector) me non immeritò expostulare ac conqueri: eueniatque fortuitò ut obuius sit furtius ille & seductus adolescens: fac (quæso) lectitee hunc libellum. Postea, non recuso, si quid sui iuris, arbitriique est, quin mihi pareat, aut non pareat patri. Andibus, anno M. D. LXXXIX. Mense Octobri.





P. ÆRODII, QVÆSI-  
TORIS ANDEGAVI,

DE PATRIO IVRE

*Ad filium Pseudojesuitam.*



VID est quod Nazianze-  
nus ille, in oratione apolo-  
getica ad populum, plus di-  
cit esse in potestate patris  
quæ est à Deo Opt. Max.  
quàm in ea quæ ab hominibus siue lege,  
siue moribus inducta est ? Hoc vnum,  
HONORA PATREM TVVM, ET  
MATREM TVAM, potentiusne est  
in liberos, quàm fulmen illud abdica-  
tionis, quod Græcorum erat insti-  
tutū ? quàm ius illud vitæ & necis: quod,  
licet abominandum, tamen & nostrum  
fuit, & multorum olim populorum: quàm  
trinæ illæ emancipationes, totidémque  
venditiones, quæ fuere potissimùm Ro-  
manorum ? Si filius non obtemperasset:  
pater, his legibus, sibi ipse ius dicebat. Idē  
citabatur accusator, idem testis, idémque

Aij

P. ÆRODII,

iudex. Præterea, quæ supplicia habebat in potestate, ea erant huiusmodi, ut sola cogitatione acerbitalis filius deterreretur quicquam audere & velle quo violaretur pietas. Deo contra, sufficit iussisse. Officioso præmium promittit: contumaci, nihil irrogat. Atqui lex potentior est quæ punit, quàm quæ iubet duntaxat: & præualet auctoritas quæ sua est, quàm suo iure quis utitur, fruitur: quàm quæ ita demum iusta ac legitima est, si impetrata & accepta. Iam verò, quid operabatur summa illa patria potestas, humana (dico) non Diuina? operabatur ut ea quæ priuata est, publicâ aliquando maior esset. Ut qua in re officium Magistratus debile, ac quasi mancum videretur esse: ibi, tanquam prouocatione aliqua, auxilio, subsidioque esset domestica disciplina: hoc est, plus possent in liberos parentes, quàm lex, legio-ve, aut ipsa summa Dictatura. Cn. Martius Coriolanus pergebat infesto agmine aduersus patriam. Quis illi è manibus succussit arma, quis fasces, quis imperium, nisi vna Veturia? Qui Legatis Senatoribus, Magistratibus, Sacerdotibusque non cesserat, matri cessit: & quem neque maiestas Im-



perij, neque religio dimouisset, mouit appellatio matris. Tribuni Consulari potestate, Cn. Seruilius, L. Sergius, M. Papyrius contendebant inuicem quis eorum bello aduersus Lacicanos potissimum præficeretur. Singuli sese anteponebant: & curam urbis, ut ingratam atque ignobilem, aspernabantur. Patres, cum hoc certamen mirabundi conspicerent, neque Dictator esset qui cogeret Tribunos: Q. Seruilius: Quando nec ordinis huius, nec Reipub. (inquit) ulla verecundia est: patria Maiestas altercationem istam dirimet. filius meus extra sortem Urbi præerit. Quid pater C. Flaminij, Tribunus plebis? ferebat inuito Senatu legem Agrariam: atque intercessionem collegarum non parebat. imo nec exercitum quidem absterrebat aduersus se conscripto, si perseveraret in sententia. Pater ei pro rostris legem iam ferenti manum iniicit. Quid filius? descendit: & cui nihili fuerat tota Reipub. maiestas, auctoritas, prærogatiua: fractus est priuato imperio: & ne minimo quidem murmure destituta concionis reprehensus est Tribunus, ut li. v. Valerius scribit. Quo modo itaque fieri posset, quin, quod ad ius patrium attinet,



P. ÆRODII

plus viriū esset in legibus humanis, quā in eo nudo ac simplici præcepto quod à Deo olim per Mosē datum, & acceptū est? Si verum est quod Halicarnassæus ait, propterea apud Græcos hæc monstra ordinaria fuisse, contumaciam, impietatem, Parricidium: Romæ, rarissima: quia, quam potestatem hi veteres Legislatores, Carondas, Pittacus, Solon parentibus tribuerūt, mollem ac debilem dedissent: quam Romulus contra, liberam, plenam atque sine exceptione, sic vt toto Romano Imperio vix vnus Malleolus sit iuuentus. quid de hoc mandato dici potest, quod nulla ex hæredatio, nulla crux, nulla poena sanciebatur: Nemo his ita putet satisfactum, quod, vt aliis omnibus legibus, ita Mosaica, parricidium non solummodò grauitè puniatur: verum etiam quicquid à filio pronunciatum sit inuerecundè. Neque enim hic tractamus de auctoritate Magistratuum, neque de ea omnino vi & potestate quæ cernitur in foro, aut in iudiciis. De ea agimus quæ potest exerceri domi: quæ inter Penates: & quam patres, non patriæ, sed familiæ, suis auspiciis habent in liberos, hoc est, sine vlla prouocatione alterius, &

nullo iudicis officio intercedente. Nam qui ope aliena punit: non punit, sed accusat. Atqui, præter id quod iam Gregorio obiecimur, tantum abest ut oraculo illo coelesti parentes plus iuris habeant in suos, quam his aut illis hominum legibus: ut ne vel minimum quidem dici possint accepisse. Nam unicū istud, HONORA PATREM: si filius non fecerit, quid tribuit patri? Allicit quidem præmio, hoc est, vitam beatam ac diuturnam: sed, quasi in ea aliquid insit quod Natura abhorreat sponte, patri poenam non commisit. Erravit itaque Moses: & cum poneret leges à Deo latas, in hac patria negligentior fuit? Nefas est dicere. Nam & priusquam esset, hæc potestas erat quam quærimus: argumento est, quod Deus non imperasset Abraamæ, *filium uti immolaret*, nisi alioqui in eum ius vitæ ac necis habuisset. Iussisset Deus? fecisset pater? tollerassent proximi, alienive, quod nullo casu, nullo tempore, nullo iure licuisset patri: Sed & qui Mosem antecesserunt, non ita solliciti fuissent de matrimonio liberorum: id nempe sui iuris, arbitriique esset, non contrahentium (hinc enim & Diluvium) neque liberi ipsi tam cupidi paternæ benedictio



P. Æ R O D I I

nis: quid ampliùs? sola denunciatio à patre facta Magistratui, vim non habuisset plenæ probationis aduersus filium contumacem: nisi iam illo tempore summa fuisset patria potestas, auctoritasque domestica. An Deus igitur posteriore lege priorem illam antiquasset, solo verbo dimetiens cultum? Si ita esset: quid diceremus pro Nazianzeno? Efferet proculdubiò quid diceretur, nisi homini & Christiano, & Episcopo videretur obsistere ea ipsa Christiana Religio, quam quasi ab eo tamen accepimus. Nam paterna auctoritas, si quæ est hodie, sic ab ea desciiuit, quam siue Deus, siue Natura ipsa, siue leges præscribere ab initio: & propterea desciiuit, quia nescio quo pacto pietatem à Religione seiungimus, vt inter Christianos nihil planè iam patrium sit, nisi ipsa appellatio ac denominatio patris. A re separata est pietas: in verbo hæret. Posset Christiana disciplina, atque ea Diuina constitutio quam laudat Gregorius ille, stabiliisse domesticam disciplinam, si Christiani eam precipuè labe-factent? Veruntamen ante omnia satisfaciamus magno Theo ogo, postea videbimus an verum sit, nullam potestatem nobis



nobis superesse in liberos: aut si sit etiam tantilla, num adhuc sit huiusmodi, vt despici, violarique tamen non debeat. Certum est, quam atrocitatem Legislatores olim inuenêre, quò redderênt patriam potestatem ampliorem: astutè, atque subtiliter inuenisse: videlicet, vt eâ appositâ, vi, aut spontè filij essent officiosiores: utque ab ea obseruantia nullo pacto distraherêtur, quam, nō Lex, non rogatio aliqua, sed natura a lacte hominibus infudisset. Sciebant itâ esse libidinofam adolescentiam: eâ arrogantiâ & lasciuia: sic regi, domarique difficilem, vt existimauerint necesse esse terrore reparari ac refici quod à natura malignitate deprauatur: vt, quemadmodum antiquitus laceratione ac sanguine fidem debitorum conseruassent: sic representatione suppliciorum quę versarentur in sola parêrum potestate, insinuarent liberis obedientiam, euincerentque ne quicquam susciperent, agerent, cui hi prius non annuissent a quibus & vitam & eruditionem habuerunt. Cæterum, id nō repugnare pietati. hanc enim ita esse a natura: ita à parentibus pro liberis consilium capi, vt tamen certissimè crederent

P. Æ R O D I I,

nunquam posse euenire quod permisissent: videlicet à patre filium venundari, abdicari, interfici. aut si accideret quandoque: sic eo merito, ea consideratione fore, vt si ipsa iustitia ius dixisset, haud quicquam iustius, meliusque dici, agiue videretur. At Deus res aliter tractat. Quod iubet, apertè iubet, non obliquè, nō pedetentim. Nihil ei circuitu opus est, nulla ei præfatio necessaria quâ persuadeat verum, bonumque esse quod postulat. Cur ita? quia tam bonus est sua sponte: tanta prærogatiua in eo est iustitiæ & æquitatis, vt qui eum audiat monentem, pareat, acquiescat incontinenti. Plures Religio continet, quàm metus. Exempli gratiâ. Filius petulantior erat: propterea que sæpè familiâ eiectus: Imò & tandem a parentibus abdicatus, quia in eum nihil humani proderat quicquam? Si transibat ad Christianismum: hoc solo (Septimius inquit) reuertebatur ad bonam mentem: vnicâ hac suadelâ restituebatur pietati & officio. Profectò si Naturæ, legibús-ve hominum Deus interposuit sese: nihil inde detraxit tamen. Imperauit obedientiam: sed potestatem non ademit. Imò, longè



post christum, ea quæ necis aut vitæ fuit, valuit inter fideles. Et si quid veteres Christiani redarguerunt in Paganis, veluti infanticidia, aut gladiatorios ludos: aduersus ius illud horrendum nihil dixerunt. Vt cunque Deus Opt. Max. nudè pronunciauit, HONORA PATREM TVVM ET MATREM TVAM nihilominus duab' præcipuè de causis leges hominū anteuertit. Vnâ: quia cōstans ac perpetuum est quod iubet. nostra, quotidie immutantur. Si quid hodie placet, cras displicet. Videre est in eo ipso iure quod à Romulo introductum est. Nam initiò licebat sine exceptione filium interficere. postea: nisi consilio adhibito. Rursus, non inauditum. denique, non iudicio domestico, sed per Magistratum. Imò verò tandem ius illud extremum euauit prorsus. Alterâ: quia si edictum Cōsulare Prætorio maius est: honorariū, Ædilitio: necesse est eo tanto Diuinum humano anteferri. Quamobrem? quia prudentia humano tam falli, quàm contemni facilis est, Inquit Tertullianus ille. Iin Do, nihil tale est. Ergo Gregorius, qui ista sentiebat, & qui præcepto Domini nullam limitationem afferebat: cū mū-

dum vertisset, & contra votum, imperiumque patris, monasterio deditus, refugeret paternum Episcopatum: pertimuit tandem. Possim patri meo Opt. sine fraude(inquit)impius, inobediensque esse? accersiri contumaciæ, fierique reus naturæ violatæ, pollutæue? Igitur missâ solitudine redit domum. Sedem, Ecclesiâque accipit. Et hoc facio(inquit)iussu Dei magis, quam hominum metu. Itaque (Opater)dicto iam audienti præbe benedictionem. Potest Gregorius ille sic accipi. Sed si nihilominus verum est, iam ne extare quidem vlla vestigia patriæ illius potestatis quam quærimus: sique auctoritas domestica hodie vix in vmbra & imagine consistit: quî ille omnino defendi possit: Iam diù abrogata est contrario usu (Et diximus)summa vitæ ac necis potestas illa. Nec ultra est pignori, aut venditioni locus. exhæredationi, ne vix quidē. Quicquid acquirit filius, sibi hodie acquirat, non patri. In ius vocat, accusat sine veniâ. Denique(vt aiunt)ea Religio nunc est, ea traditio Ecclesiæ: filium, quamlibet vitam instituat: nubat, aut monasticâ voueat: posse ista omnia spreto, inuitoque



patre. Quâigitur in re, aut quo in negotio  
conisteret inter Christianos, (ô Nazian-  
zene) Dei & Naturæ elogiû illud, H O N O-  
R A PATREM In quo collocabas auctori-  
tê, maiestatemve domesticâ, cum tantô-  
pere reformidabas in eam ne impingeres?  
Si illis casibus quos attigimus, possunt li-  
beri parentibus impunè non parère: qui  
hi sunt quibus ex vetere iure nunc non  
liceat quôque? quæ capita domesticę dis-  
ciplinę Christiana etiamnum approbat  
fides? Dicemus ante omnia, & quasi per  
auersionem, stultum, impiûmque esse, po-  
nere & affirmare, si debilitata est patria  
potestas, si diminuta, & quasi redacta in  
ordinem, nullam propterea amplius esse:  
aut vt fuerit abrogatû imperium dome-  
sticum (nam & Romani sic appellabant)  
propterea sequi, remotam esse ab ea pote-  
state cum pietatem, tum reuerentiam na-  
turalẽ. Deinde, descendendo ad particu-  
laria, inspiciemus si singula sunt huius-  
modi, vt in ijs sit necesse, aut non, liberos  
adhuc parentibus obedire: Facile id obti-  
nebimus, si scrutabimur quid esset apud  
veteres quod ita à liberis exigebant, cum  
tantum ius, tantam potestatem parenti-

P. ÆRODII.

bus largiebantur. Certum est, hoc propterea non fecisse, ut parentes in causa liberorum essent pro Magistratu: &, quemadmodum in Foro ius civibus dicitur a Præatore, ita a patre fieret domi, quocunque modo, & aduersus quemcunque liberi deliquissent: denique, non ut alia esset Iurisdictio publica, alia domestica. Criminibus enim publicis, & si quid committerent extra Forum, præpositus erat Magistratus. Neque bene concluditur, Reus est filiusfamilias: ergo nullus ei Iudex debet esse præter patrem. Certè quidem Romæ, & apud quasdam alias gentes (de quibus scripsimus, libro VI. Rerum Iudicarum, cap. VII.) extitère, qui, vi patrie potestatis, de eis quoque cognouère quæ liberi extra familiam deliquissent: cuiusmodi sunt Cassius, Manlius Torquatus, C. Flaminius, & alij plerique. Non igitur ea fuit occasio propter quam veteres tantam prærogatiuam parentibus tribuissent. Ea est de qua Halicarnassæus in Romulo: nempe, ut cum liberi animaduernerent quæ domi in se potestas esset, hanc vel publicam esse ampliorem: sed & Principem ipsum vix quicquam posse incognitam



causâ: parentes ex aduerso, oīa quasi pro libidine (ita enim Aristoteles in politicis) hi sese obsequio vouerent, nihilque omnino nisi ex formula agerēt, hoc est, *Si nō edictū, præscriptūque a parētibus*. sibi neque velle, neque nolle aliud esset eo excepto quod ab his, tanquam a fonte & capite accepissēt. Denique, vt, quemadmodum freno, calcare & bacillo admoto paret equiti iumētum: sic metu tantę disciplinę, filius familias, quasi altero Deo, auctori-que suo, faceret, pareret patri. Sanē si nihil aliud maiores nostri voluissent quàm frænum adolescentiæ apponere: si nihil nisi ea vitia impedire, ad quæ a natura est procliuior, finiissent eam potestatem ætate, dignitate, aut conditione aliqua. Atqui filiis familias quoscūque annos attigissent, quemuis iniissent magistratum, Sacerdotiūue, semper erant alieni iuris. Quid igitur? quicquid pater de liberis statuisset, cuiuslibet vitæ destinasset, etiam rusticæ, vt L. Manlius: intuitu tantæ potestatis, contra quam nulla esset intercessio, nullum auxilium, omnis obedientia erat necessaria. Ea re eueniebat, vt filij negotia omnia sic a patre proficisceren-



P. ÆRODII,

tur, ut ab origine, exemplar: a scaturigine, riuulus. Sanè, si, filio ab ea aberranti viâ: si contumaci, si inuerecundo alij du-  
riores pœnas inuenerunt, alij leuiiores: si alibi patri iudicium dedere, alibi querelâ, testimoniûm uē duntaxat: imò verò, si lō-  
go interuallo pœnæ omnes domesticæ ab-  
biere in deffuetudinē (de animaduersione puerili, nihil ad rem) non propterea se-  
quitur, de fuisse rectum esse sua spōte quod de pietate est constitutum: non sequitur,  
cessare legem, edictûmque omnium Gen-  
tium, *Liberi quacûnque in re parentibus di-  
cto audiētēs sũto*. Iura, etsi impunita, iura sũt  
ut, de adulterio, licet de eo vix agatur, at-  
tamen semper naturâ suâ turpe est. Si ne-  
gligentiâ, aut dissimulatione non punitur:  
lex quâ prohibetur, non minùs pudica &  
honēsta est. sic obedientia liberorum, nō  
minùs iusta ac legitima, si inulta est ple-  
rûmque. Ex Mose hoc præcipuè cognos-  
citur. Ut pater filium suâ manu occideret,  
noluit quidem. voluit impetrari, ac fieri  
per Magistratum. sed hoc sine alia inquisi-  
tione, quàm quòd pater ita postulasset.  
vnde profectò colligitur, patrem apud Iu-  
dæos quoque ius vitæ & necis habuisse.

Nam

Nam quamvis retardatum eâ formulâ: nō  
tām difficile est petere parricidium, quā  
facere. Verumtamen, Iudæus ille Legisla-  
tor quo crimine volebat filium à patre  
deferri posse, & eâ delatione solâ lapida-  
ri incontinenti? an quia parricida, aut sa-  
crilegus? quia perduellis, quia latro, aut a-  
dulter? an denique quia in legem aliquam  
publicorum iudiciorum commisisset? Au-  
diamus eum loquentem: Si genuerit ho-  
mo filium contumacem ac proteruum,  
qui non audierit patris, matrisve Impe-  
rium, & coërcitus obedire contempse-  
rit: apprehendent eum, & ducent ad se-  
niores ciuitatis illius, & ad portam iudi-  
cij: dicentque ad eos, filius noster iste pro-  
teruus ac contumax est: monita nostra  
audire contemnit. Vacat comessationi-  
bus, luxuriæ, ac conuiujs. Lapidibus eum  
obruet populus: & morietur. Quæ vitia  
hic narrat nisi commissa in parentes, nisi  
familiaria ac domestica? nisi patrata in fo-  
co, non in foro? Profectò, quemadmodū  
voluit militaris disciplina, vt contumacia  
in milite esset capitalis, quia nulla alia re  
restām periclitantur: sic domestica, in  
qua pater est pro Dictatore, necessariò po-



P. Æ R O D I I

stulauit, vt omnes qui essent in familiâ, serui, liberi, vxor, animalia omnia patrem vnum suspicerent, colerent: neque eorum esset vlla alia voluntas, vlla inclinatio, quàm quæ profecta à patre illo atque Imperatore familias. Est apud Ælianum de Rhacone Mardo, cùm Cartomen filium, reuinctis manibus adduxisset ad Artaxerxem, quò eum occidi iuberet, quia audax, quia nequam, quia perditus: & hoc identidem vrgeret: Potisne es (Rex Persarum inquit) ferre, & aspicere, filio eripi vitam? Respondit: Est mihi lactuca in horto, lasciuens foliis. Sint licet pars corporis: defringo amara, & superflua. An deperit propterea, & quasi luget surculo exciso? Imò tantò efflorescit, & eo damno fit dulcior. De me (ô Rex) sic existimes. Nam etsi mortem eius aspexero qui familiæ officit meæ, & qui fraterculos corrumpit petulantia & proteruia: meliùs mecum esse arbitrabor, generéque non diminui, sed augescere. Hæc Mosi, hæc Halicarnassæo conueniunt. Sed quò ista magis confirmentur: quî fit, vt hæc quæstio, *An filius aliquo casu iure non obediat patri*, egrediens d o m o in schola m venerit: hinc tan-



dem in iudicium: nisi quia erat antea inaudita: & ratum, firmumque erat nullo olim casu contigisse? Danaüs, cum filias quinquaginta nepotibus ex Egisto vi dedisset in matrimonium: mandauerat virginibus, ut, in diem ipsum nuptiarum, gladio, quæ ad hoc obtulisset, unaquæque sponsum occideret. fecere ex præcepto, unâ exceptâ Hypermnestrâ, quæ Lynceum seruauit. Quid inde? tantum abest ut sicariæ istæ & parricidæ causam eo nomine dicerent, & paruissè crimen esset: ut contra Hypermnestra, *Quod non obtemperasset*, accersita sit capitis, vixque eo euaserit iudicio. Adeò in obedientia quæ parentibus debetur, nulla admittebatur exceptio. negare, aut tergiuersari non licebat. Absoluta est quidem: sed paribus sententiis: sed ea hesitatione, eo periculo (patet ex eius epistola apud Ouidium) ut Veneri & Dianæ, quasi è naufragio, & templum & tabellam construxerit, fixerit. Quo modo itaque diminueretur obedientia illa domestica, cum, liberi etsi parendo deliquissent, paruissè, laus sit: non paruissè, crimē? Non potest filius derectare iussa patris, inquebat Tyberius Imperator. Ut ut sit,

P. ÆR O D I I.

obtinuit certè (inquit Gellius) siue honestum sit quod iubetur, siue medium : obtemperari debere omnino. Si turpe: ita atamen non parendum, vt fiat leniter ac verecundè: non cum reprehensione aut detestatione aliqua Differatur, declineturque magis, quàm respuatur quod iubetur. Sit in contumacia pudor: filius non parèdo pareat patri: veluti Agesilaus qui patri imperanti vt contra leges sententiam diceret: Memini (inquit) te olim mihi pro legibus imperasse. faciam igitur nō quod hodie iubes, sed quod iussisti aliquando. Veluti Acrotatus: a quo cū parentes iniquè aliquid exigerent: honestè sic negauit: Scio vos velle vt quod iustum est faciam. ita enim olim me instituisitis. Faciam igitur quod vultis: & quod iubetis non faciam. Qui apertè contradiceret, atque obsisteret arroganter: adderet petulantiaē impietatem: impietati, scelus. Etia in bona causa filij apud parentes debet humilis esse oratio, inquit Saluianus Presbyter. Vtrum enim verum esset quod dictū est a maioribus, *Vultu quoque lædi pietatem*, si iure aliquo filij inobedientia defenderetur? Legatus esset inuiolabilis a-



pud hostes: in eum verbo quoque abstineretur: & paterfamilias haberet domi, atque inter lares, iustum correctorem, contradictorem, aduersarium? Sed cur huic positioni tantopere immoramur, videlicet, propterea hoc ius domesticum introduci, ut si quid contra a liberis obtenderetur, omnis interclusa esset refragandi ac disputandi via? infusum, insitum est à Natura. & quod Deus ipse nihil addidit ultra præceptum, fecit ob eam causam, quia sufficiebat perstrinxisse quod alioqui naturale esset ac cōmune inter omnes: ideoque immutabile, ideo constans ac perpetuum. Ut itaque doceamus, patriā potestatem esse a Natura: mulierne potest magis naturaliter subiici viro, quàm filius patri? Atqui mulier, solâ sex<sup>9</sup> infirmitate homini subiicitur. filius, eò ampliùs, ætate, atque beneficiā ut verò illa duo non sint, ne, quam pariunt obligationem, eam quis dixerit expirare adepta ætate, & viribus: (quamquam quæ prærogatiua inde acquiritur perpetuò durat, inquit Aristoteles) quæso, vltimum quale est? Naturaliter ad remunerandum obligati sumus. nam quis ab Vlpiano dissentiat? & (ut pulchrè a Phi-



P. ÆRODII

lone)delinquit in humanitatem qui ingratus est: qui acceptum beneficium, quantum in se est, non rependit. Atqui nulla maior obligatio est, quam quæ à liberis parētibus debetur. A Deo, Dij nostri sunt. Quòd sumus, quòd viuimus, quòd mouemur, paternum beneficium est: atque huiusmodi beneficium, vt compensationem non admittat. Nunquam enim posse accidere vt filius procreet patrem. Quæ esset igitur inuidia, si (vt ille alter Plato) exigua, pro amplissimis: pauca, pro multis penderentur? Quicquid possemus vnquam (quod Seneca dicit in contrarium, scholasticè dicit) nihil est præ hac luce, præ educatione, libertate, ciuitate, & præ ijs quibus perpetuò sustentamur, paternis, auitisque bonis: quæ omnia certè beneficia sunt parentum. Quòd si ius istud naturale, & ea mutua beneficentia transit vsque ad bruta animàtia: homo, quem Gratiæ aluerunt: cui natiua est vrbalitas: cederet Leoni, cicouia, pardo? Et si (vt ait Epictet<sup>9</sup>) Natura nõ exigit quis fiet pater, probus an improbus: vilior, an honestior sit, perpetuò pater est. neque ea deficit vnquam obligatio, quam procreando cõ-

traxit: is, si quid voluerit, iusserit, potestne  
villo casu dubitari sit id faciendum necne?  
Liberto, & filio semper honesta & sancta  
persona patris ac patroni videri debet, in-  
quit Vipianus. Sin aliquis obiiciat quod  
quondam Diogenes Zenoni, generatione  
liberos parentibus non teneri: propterea  
quod ex affectu ea non proficiscitur, imo  
ex voluptate: & qui dat operam liberis,  
cum hoc maximè agit, aliud agit, gene-  
rationi non incumbit, sed voluptati: benè  
est, si Cynicos placeat esse: si vel a bestiis  
arcere hoc munus (quæ ipsæ tamen non  
tam feruntur appetitu, quàm desiderio  
catulorum) benè est, si iam nulla sit diffe-  
rentia inter copulationem animalium, &  
eam quæ nostra est: si dixerimus, matri-  
monium non ampliùs esse iuris Gentium,  
sed Naturalis: si Christianis defuisse esse  
sacramentum, si sit denique contumelia:  
non foedus, non diuinarum, humanarum-  
que rerum: sed voluptatis societas ac cõ-  
municatio quædam. Atqui ista sentirent  
de nuptiis: aut facerent inscij, aut tædio tã-  
dem solitudinis ingratae, ac iniucundæ.  
Verùm Socrates apud Xenophontem  
Diogeni abundè satisfecerat. Quid nuptiæ



P. Æ R O D I,

erant necessariae si (inquit) procreatio liberorum a sola libidine proficiscitur: Poterat expleri passim. Sed quod nos subiecimus matrimonio (oneri alioqui duro) fecimus liberorum procreandorum causa. Non enim tam solliciti essemus, vxor qua ætate esset, quo genere, quibus moribus: sed & natos ex eo matrimonio non educaremus ea curâ, non erudiremus, collocaremus etiam vicissim, si sola libidine ac voluptate duceremur: Quam Philo ille diuinius, qui de foedere isto sic pronunciauit in Dialogo! Parentes gignendis liberis subministrant Deo. Ambo filiationi conferunt: hi corpus, ille animam. Qui itaque alterum negligit, negligit vtrumque: aut qui operarios, is artificem. Imò verò operarij non sunt, sed Dij quidam inter nos: qui dum gignunt, Deum ingenitum imitantur. hoc differunt; quod Deus, Creator vniuersalis est: pater, singularis. Ille, omnium: hic, liberorum duntaxat. Quod fit vt necessariò (inquit) sit impius erga Deum inuisibilem atque incomprehensibilem, qui erga hos Deos conspicuos, ac familiares officia omnia non exercet. Idipsum erat in Ioanne, epistola 1. cap. 4.

*Si quis dixerit, diligo Deum: & fratrem suum  
oderit: mendax est. Qui enim non diligit fra-  
trem suum quem videt: Deum, quem non  
videt, quâ diligit? Sed & ille Legislator  
Iudæorum cum inter sacra præcepta id  
primum collocasset quod de Deo est, &  
quod ad eius honorem pertinet: eadem  
repetendo in Leuitico, incipit à parenti-  
bus, hos coli, hos honorari iubet: postea,  
de Deo idem imperat: quasi ex æquo Dij  
sint, & valeant in omnem sensum positio-  
nes istę duæ, QVI HONORAT PA-  
TREM ET MATREM, HONORAT  
DEVM: & QVI DEVM: NECESSA-  
RIO PARENTES. Imò diuinissimus  
Plato, & quem possumus verè alterum  
Mosem appellare, de Deo postquàm mul-  
ta conscripsit: Ea sunt (inquit) non tam  
perfectò leges, quàm præludis & exordis  
legum quas laturi sumus pro parentibus.  
Qui patrem coli effatur, præfatur Deum.  
Quàm sanctè præ Teleucro, qui licet pie-  
tatem considerans, interrogatus, cur iu-  
venes apud Lacedæmonios, senioribus  
assurgerent? respondit, vt hac re assueti in  
extraneis, patrem & matrem veneraren-*

D



tur tantò magis? Certè quidem pater (ut lib. de oratione Tertullianus ait) & pietatis & potestatis appellatio est. Qui igitur hanc aut illam tolleret: aut qui plus tribueret pietati, quàm potestati, vel ex aduerso: tolleret vtrumque: tolleret omnem eam prærogatiuam quam pater à Natura, à Diis, ab hominibus accepisset. Atqui, si pietas est perpetua: si præualet semper: si nullo casu perdit officium suum (hinc, qui cōsecratus est: Pietati & Alemonæ locus) cur aliud de potestate diceremus? cur ubique non valeret? Quæso, consideremus quò bonum sit argumentum quo Tertullianus vult euincere, Christum Deum esse, non Patrem, sed Filium. Non veni (inquit facere voluntatem meam, sed patris qui misit me. Hanc adimpleuit vsque ad mortem. ergo non erat pater, sed filius. Quam vim haberet ea argumentatio, si voluntas filij alia a patre aliquando esset? Quid maiestatis, quid amplitudinis adiiceret Deo sumpta a nobis patria ista cognominatio (nam quàm aliter se sensui nostro subiiceret?) si verbo nulla proprietas esset, nulla substantia? si a liberis, parentes: a parentibus liberi sola appellatione di-

stinguerentur: & varij essent, non iure, sed nomine duntaxat? At, cedo, quâ alia re iam distant? Emancipatio non necessaria est amplius. Si post ventrem filius statim loqui posset: qui mores nostri sunt, sic diceret: Te ad hoc agnosco (pater) vt nutrias me. Ingenuum edidisti: & post duodecim, aut quatuordecim annos, mea vitæ electio est, non tua. Modò in corpus nihil ausim consultò: ingratus, officiosusue sim: quis incusabit? Abrogata est patria potestas.

Quòd si Nemesis obtenditur: lucrum est in mora. Verumtamen vt sola hæc esset persuasio, quòd qui offendit patrem, Deū reuerà offendit: quòd, interdici aspectu patris, præcipua poena est: denique, quòd eius imprecationibus affici, nihil filio tam horrendum (vt de ea re postea amplius) ea satis adhuc sufficerent vallandæ ac sustinendæ eximix eius potestatis, quam tamen sic prostratam ac diminutam hodiè querimus. Sed, quæ deprauatio est, certè ea non sufficiunt. Præualeret antiqua illa seueritas Romanorum: hoc est, *Lex indemnatorum*, de qua & Halicarnassæus ille, & Quintilianus sæpe. Cur ita? Reipub. nihil est aliud quàm plurium ædium priuatarū



P. Æ R O D I I

collectio in vnum. Porro, eius incunabula sic incipere à parentibus, vt qui dixerit, familiã, tanquam genitale solum, matricẽ, radicẽque esse: Rempub. verò, coloniã: verissimè & aptissimè dixerit. Qui itaque ciuitatem optimè institui velit: qui ab ea pelli lasciuiam, qui crimina, ac facinora omnia: prouideat domesticę disciplinæ. Si domi modestos fecerit, si continentes, si paratos ad obediendum: migrabunt in Rempub. eã natura, ea informatione, eo animo. Mutabunt limina, non mores. Contrà: eam molliter curet: ducat loris mollioribus: proditiones, cædes, rapinę, adulteria scaturient incontinenti. Hinc factum est (opinor) cur vltra illam potestatem domesticam, quasi ea per se imbecilior esset, Lares eo amplius præposuere domesticis edibus, vt pietatem Religio stabiliret: perficerentque ambo, tanquam validissima retinacula, vt quemadmodum infans digitulo ductus, ad extremum solitarius ambulat: sic vir in Repub. beneficio priuatę disciplinę, sibi lex, formulęque esset: putarétque Magistratui apponi fasces, non terrori, sed ornamento. At meherculè nihil absurdius, turpiusue est, quàm ali-

quid hîc Religioni imputari. Nam ( si verum est quod iam antea attigimus ) Religio Christiana plus destruit hanc potestatem, quàm erigit ac confirmat : nihilque liberos nostros tam auocat a pietate & officio, quàm quæ nunc collocantur vt contraria, Deum colere: &, Colere parentes. Mirum profectò ! Præcepta quæ conueniebant, & quæ vnâ poterant impleri, dicuntur hodie opposita, & ea sic pugnare inuicem, vt qui pareat vni, alterum violet. Vnde axiomata tam noua & inaudita? Ex ea, quæ & quondam fuit, disputatione Philosophorum: videlicet, *An semper, atque in omnibus iussis patri parendum esset.* Nā quemadmodum fuere qui ita tractarunt hanc quæstionem, vt Bias sacrilegium: Nullus (inquebat) est sacrilegus. Nam si, omnis locus est Deorum: fur nihil transfert ex loco sacro, quin in sacrum non transferat: Sic de patria potestate Philosophi illi subtiliter: Nihil (aiebant) patri necesse esse obsequi. Nam aut rectè imperat & istud faciendum est, non quia iubet, sed quia ius est. Aut perperam: & nequicquam faciendum: quia fieri id per se non oportet. Parendum itaque nunquam.



P. ÆRODII

Atqui non erat integrum dilemma , inquit Gellius. Esse enim quædam *νεσά*, atque *ἀναφωρα*, in quibus propterea parendum est omninò. Deindè, quod sua vi, naturaque sua bonum & honestum est, eo magis etiam faciendum, quia amplius iubetur. Alij contra distinguebant : in quibusdam parendum : in quibusdam minime. Quid enim si proditionem patriæ, si necem matris, si Principis, si alia quædam turpia & impia pater imperaret? Sic, vbi apud Theologos cœpere hæc agitari: *Possitne quis simul seruire Deo, & hominibus: an Deo magis, quàm patri* (quasi vlla esset dubitatio pro Deo, si quid imperaretur impiū) incidimus in pares sententias Philosophorum, hoc est, varias, inutiles, infames. Certè eos quidem non detestor qui separarunt turpe ab honesto: a iusto, quod iniustum est. Neque eos etiam omnino, qui constituere quædam indifferentia & media. Est quod aliquo modo possit excusari. Sed tutius fuisset proculdubiò, si in ea re nihil mouissent; hoc est, si ab eorū sententia non discessissent, quæ erat vna, & singularis, OMNIBVS QVÆ PATER IMPERAT, PARENDVM. Nam vt

vera sint quę cauillando distinxerunt: versantur nihilominus in procliui, & talium quæstionum periculosissima est definitio. Quam cautiùs, prudētiùsque Philo ille in Decalogo, qui ad prima capita vtriùsque legis sic diuinissimè, vt omnia : Qui relictis aliis omnibus negotiis solo se diuino cultui applicant: aut qui, relictâ sanctitate solis parentibus, solue hominum societati, quasi aut Dei, aut hominum solúmmodo amatores: semiperfectæ sunt virtutis. Imò, qui partem alterutram læserit, ambas læserit. Planè sunt quæ in medium nunquam adduci possunt, quin noceât statim. Titubant iactata: examinata, amittant fidem. Quæstiunculæ cibos imitantur. Nam vt delicatiores faciliùs putrescunt: sic nimis agitatae ac distinctæ, vitiant regulam, si subsit Concilio Pontifex: si populo Imperator: si Regno Democratia antefertur: si in Religione opposita admitti possunt: prima fronte hæc pulcherrimè tractantur. sed virus in conclusione est. Nam ex his disputationibus primo quoque die emergunt scismata, seditiones, bella ciuilia. Quæstio quâ de agitur, est eiusmodi. Qui enim semel dubitauit, Re-



P. Æ R O D I I

uerentia, atque obedientia domestica an  
perpetua debeat esse: neque aduersus Tar-  
quinius amplexus est sententiam Turni:  
Nullam breuiorem esse cognitionem,  
quàm quæ inter patrem & filium: paucis-  
que verbis transigi posse. Ni pareat patri,  
habendum infortunium: quomodocùn-  
que Naturam semel violauerit, læserit: in-  
continenti lædet opprobrio, lædet vulne-  
re, lædet parricidio. Præualebat igitur an-  
tiquiorum Philosophorum determinatio  
hæc: OMNIBVS QVÆ PATER IM-  
PERAT, PARENDVM. aut sanè, si quid  
in contrarium accideret, vtilius erat hoc  
vnum prout esset accipere: quàm ex parti-  
culari quodam negotio, disputare aliquid  
cōtra commune preceptum, atque id siue  
in schola, siue in foro, siue in Ecclesia de-  
finire, Hoc Cicero prudenter in officiis.  
nemo enim ibi legerit has quæstiones Ra-  
tum, transactumque habuit, nunquam fi-  
lio primas dari oportere, vt nec subdito  
aduersus Principem: seruo, aduersus do-  
minum: discipulo, in Magistrum. Non  
quòd non mente & ratione præualeant  
quandoque: sed quia in ipsa comparatio-  
ne & oppositione personarum, inest læsio  
& in-

& iniuria. Ius quod deprimitur, aufertur. Romæ in centumviri iudicio, quo Accia Variola arguebat testamentum patris, Prætorij viri, ob immodica legata quæ effuderat in nouercam: tot patres, tot filij familias affuere, auxilij vicissim ni aliquid patri, ni filiæ contrà præcipuè tribueretur: vt iudices sapienter (inquit Plinius) reliquerint rem indecisam, ne esset quo liberi vlllo casu sese parentibus anteferrēt. Sed vt breuius agamus: in his quæstionibus quos potissimum sequemur? Philosophos, an Apostolum? Hic ita ad Collossenses: *filij obedite parentibus, per omnia. hoc enim placitum est Domino.* Cùm expressit hanc clausulam, *per omnia*: nonne illa duo explofit, in quibusdam parendum, aut non parendum? & rursus: Nihil necesse est obsequi? Nec mouet quod obiciatur: Quid ergo si pater prodicionem imperaret? quia fingere est quæ non contingunt, aut ita raro vt debeant negligi. Contrà, perpetua præsumptio est, quisquis sit pater familias, probior aut improbior, nihil eum filio vnquam mādaturum quod turpe, aut iniquum esse certò sciat. Etiam impudica filiæ imperat pudicitiam. Præ-



P. ÆRODII,

tereà, qui disputat de iussu: assignat ( quæ Naturæ non respondent) senectuti, ignorantiam: a dolescentiæ, consilium. Facit filium Iudicem, sintve paternæ actiones iustæ, an iniustæ: rectæ sua sponte, an per interpretationem. quæ omnia naturę & honesto non conueniunt. Serit ibi iurgia & lites, vbi vna virtus debuit esse (quę fuit præcipua Lacedæmoniorum) videlicet obedire, & sine cunctatione obedire. Sed quia error inualuit, & iàm difficile cicatrix obduci potest; videamus quæ erant illa media, atque indifferentia de quibus Gellius. Vt si (inquit) pater imperaret ire  
 “ in militiam, rus collere, capescere hono-  
 “ res, causas deffendere, vxorem ducere,  
 “ quò iussum est proficisci: accersitum veni-  
 “ re, & alia hoc genus, quę ipsa per se ne-  
 “ que inhonesta sunt, neque turpia: sed pe-  
 “ rinde vt geruntur, ita ipsis actionibus vi-  
 “ dentur aut probanda, aut reprehendenda.  
 Nam si contrà imperaret vxorem ducere infamem, propudiosam, aut criminiosam si pro Catilina, pro Bibulo, aut Clodio causam dicere: quia hic numerus turpitudinis accederet, quod iuberetur desineret esse ἀναγκασιότατον. Si itaque hæc placerent

finita esset quæstio. Quouſque necesse sit obsequi : nisi quòd quæ Gellius disertè pronunciauit esse indifferentia , nempe, *uxorem ducere, & capeſcere hoc aut illud viuendi genus*: hodiè prædicantur esse huiusmodi, vt in iis nihil adferat consensus, auctoritasque patris. possit filius familias ducere uxorem : possit se dedere Ecclesiæ: possit. Monasterio, non modò spretis parentibus, verumetiam inuitis , atque expressè prohibentibus. Quod omnes Academia, quod fora, quod iudicia omnia, sine prouocatione, Naturæ & Pietati tribuebant: abiudicant Religione & fide. Sed de voto hîc (quæso) potissimùm. Nam aut tua accusatio est, qui me inconsulto te addixisti Iesuitis: aut mea in contrarium, qui, si id tibi permittit Ecclesia , ex ea re doleo tamen. De matrimonio Paquierius noster sic eruditè in epistolis , vt qui lineam prætereà apponat , magis officiat sibi, quàm picturæ . Id ei certè suffragatur, quòd Patres in Synodo Tridentina tandem magnificè decreuerunt: Licet nuptiæ clandestinæ (quales sunt quæ sine consensu patrum contrahuntur) tamdiu pro nuptiis habeantur, quandiu eas non impro-



P Æ R O D I I,

bauerit : Ecclesia nihilominus iustis de  
causis tales nuptias prohibuisse & abhor-  
ruisse in vniuersum. Ratae, irritaeue sint  
omnino: legitimæ, aut illegitimæ: vult sui  
arbitrij esse, non parentum. Suffragatur  
Christianorum Principum constitutio,  
quæ talem coniunctionem iubet Raptum  
esse, non *Nuptias*: aut si sint, distrabit gla-  
dio. Duo tamen adiciam, non eo fastu,  
arrogantiæue, vt ex his quicquam in eo  
contractu confirmem, aut infirmem, quæ  
vel Ecclesiæ, vel optimis Principibus no-  
stris prudentissimè placuerunt: sed vt libe-  
ri nostri hoc semper habeant in ore, Non  
omne quod licet, honestum est: caueant-  
que, ne, quâ fuerint despicientiâ, contu-  
maciæue in parentes, eâdem (quæ diuina  
est ultio) sint erga se etiam sui. Vnum est  
de Rebecca, & de filia Thamnathei, quas  
licet Deus ipse destinauisset; Samsoni  
hanc, Isaacco alteram: voluit tamen ma-  
trimonia ista fieri paterno voto & arbi-  
trio: Rebecca postulari a Bathuele, ma-  
tre, & auunculo: nec mandato, aut inter-  
nuncio filij, sed Abrahami. Innocens eris  
(inquit ille ad seruû) a maledictione mea  
si veneris ad proximos meos, & hî non

dederint tibi. Angelus Domini præparauit eas nuptias: patres cōtraxêre. Alterum est Tertuliani ad vxorem. Vnde sufficiam (inquit) ad enarrandam foelicitatem eius matrimonij quod Ecclesia conciliat, & confirmat oblatio, & obsignatum Angeli renunciauit: pater, ratò habet? Nam nec in terris filij sine consensu patrum ritè, & iure nubent. Hoc innuit proculdubiò: Nuptias Christianorum cò foeliciores, beatiorésque esse, quò à Deo magis comprobantur, quibúsve, vt in seculo parentes sic in cœlo consenserit Deus. Idem sub commodo visum est Sotero, idem Euaristo, & Ambrosio. Agamus itaque de votis: non, si ea valeant ipso iure. Nam id piè habemus pro constanti. Neque etiam, si vita Religiosorum, imò si Ecclesiasticorum omnium purior, beatiórque est vitâ & conuersatione Laïcorum. Nam neque id reddimus controuersum. Romanos non imitamus, qui Magistratum Pontifici anteponebant, Sed vel Iudæos, qui Leuitas: vel maiores nostros, qui Druïdas Magistratui. Quin id agamus (inquam) an in votis celebrandis liberum sit arbitrium liberorum. Denique, vno verbo, An filius



P. ÆRODII,

possit vitam Ecclesiasticam profiteri incio, aut dissentiente patre : hoc est, si, quemadmodum in reliquis sacramentis, quò rata ac perfecta sint, quædam insunt legitima ac solemnia : sic in sacramento Ordinis necessaria sit exhibitio, & oblatio patris. Sic nos de ea re quidem ut est mediocris Iurisperiti secretiora vestra aut scire, aut capescere Quòd si vel Theologia ipsa, vel illi tui sollicitatores aliquid habent magis absconditum quo possint mihi abundè satisfacere : fac intelligam primo quoque die, ut quod ad me attinet, definitioni eorum acquiescam: tu contra, desinas latitare: quinimò palam, & cum fiducia occinas illud quod deprauatum ex D. Hieronymo fortasse tibi sæpe obii-ciūt, Solum pietatis genus est, in hac re esse crudelem. Videamus itaque imprimis quæ voti observatio esset Paganorū. Nam etsi a vero cultu aberrabant, nihil tamen in Religione sua prætermiserunt (nescio an superauere nos ipsos) quod eius honorandæ, tutandæ, amplificandæque esset. Sese, an sua vouerent: prætereà, in quam causam, nihil intererat Paganis. Semper nihilominus quæsitum esset, va-

luisse votum sine consensu & voluntate patris. Profectò si ageretur de immolando liberis, certum est oportuisse eos offerri a parentibus. Patet ex Tertulliano ipso in Apologetico: cùm (inquit) propriis filiis Saturnus non pepercit, extraneis quoque perseverabat non parcendo: quos quidem ipsi parentes sui offerebant, & libentes exponebant, & infantibus blandiebantur ne immolarentur lachrymantibus. Pater ex Plutarcho, lib. de superstitione, in fine. Nullius essent qui traderent? vulgare est quoque, non fuisse in potestate aut arbitrio Sacerdotis, quem sumeret eo casu ad sacrificium. Functio erat Magistratus: qui, hoc amplius, virginem sortiebatur, ut Dij ipsi sibi hostiam legerent, non Sacerdotes. Quem Dij sorte declarassent (ut qui Athenis Minoi pendebantur) hæc destinabatur sacrificio: qualis apud Homerum, Iphigenia, filia Agamemnonis: apud Pausaniam, filia Lycisci & Aristodemi: apud Plutarchum, Sminthei, quam Delphini cum Eualo, amatore suo, exposuere in litore. Hinc & ea declamationum argumenta: *Virgo immolata pestilentiae: Abdicatus immolandus:*



P. ÆRODII.

*Soror infamis immolanda*: quas legere est partim apud Quintilianum (quem primi restituimus) partim apud Calphurnium, quem & Pitheus ille doctissimus. Sed in iis præcipuè obseruandum, quòd si filius, aut filia offerrent sese, parentes eis opponuntur vt contradictores iusti ac legitimi. Nemo enim eos admisisset, ne in schola quidem, si licuisset filiis familias sacrare se sua sponte. Verùm memorabile est omnino quod libro illo de superstitione Plutarchus inquit: Si qui liberos non haberent, consueuisse emere ab humilioribus. Sed eo casu non suffecisse si pater ille venalitius sacrificio interesset. Matrem naturalem adesse necesse fuit, vt morti consentiret, aut obsisteret. Virgilius ipse, lib. xi. Æneidos tangit ea sacrificia, cùm Metabum introducit filiam fluuio Amaseno immitentem, itaque effatur,

*Alma tibi hanc nemorum cultrix Latonia  
virgo*

*Ipse pater famulam voueo*

Quo loco & Seruius: Benè, *ipse pater*, quia auctorandi potestatem nisi patres non habent. Sed & Plutarchus, lib. de Iside & Osiri-

Osiride, sic alloquitur Cleam sacerdotē:  
Parentes te a pueritia dedere huic Osiridi  
Deæ. Et de Græcis quidem hæcenus.  
Quòd attinet ad maiores nostros Gallo-  
rum (vt hodie quoque) tria erant genera.  
In iis primi erant Druidæ: qui quia tracta-  
bant res sacras, atque Religiones inter-  
pretabantur: tanto erant honore, tantam-  
que habebant immunitatem omnium re-  
rum, vt omnes certatim ad eos concurre-  
rent, iisque adscribi, adscisci vellēt. Quid?  
an & filij familias sine consensu ac volun-  
tate patrum? Nequaquam, vt his verbis  
Cæsar manifestò indicat. Tantis (inquit)  
excitati præmiis multi sua sponte in eorū  
disciplinam conueniunt, multi a parenti-  
bus, propinquisque mittuntur. Sponte,  
qui erant sui iuris: missione, qui alterius.  
Inter Romanos titulus est Digestorum,  
qui inscribitur *de pollicitationibus*. Ibi hæc  
præcipuè memorantur, quæ Diis, quæque  
Reipub. fiunt. Atqui eas nullius momenti  
esse, quæ fierent a filiis familias, sic docet.  
Ulpianus: Voto patris familias obligantur: 33  
puberes, sui iuris. Filius enim familias, vel 33  
seruus, siue patris, dominive auctoritate: 33  
voto non obligantur. Certè in patrefa- 33



P. ÆRODII

miliās pubertas desiderabatur. At in filio, cuiuscūque is ætatis esset, & siue peculium haberet, siue non: nullum erat votum, nisi auctoritas patris accessisset. Quāobrem? quia qui non est sui iuris, neque se, neque aliud quicquam potest obligare. Præterea, qui ius habet in re, id sine facto suo non amittit. Itaque filiusfamilias, ut piè ac religiosè ageret vouendo rem alienam: Furtum, iniuriāmve commisisset. Si bona: quia ad patrem pertinebāt: si (quod magis est) personam: quia ultra quod subdita erat potestati alienæ, parentes consecratione istā, hæredem, spem generis, propagationem nominis ac familiæ amisissent: ea denique bona atque emolumenta omnia quæ sibi per liberos acquirebātur. Itaque in voto filij necessarium erat arbitrium, iudiciūque patris. Summa quidem interpretatio est quæ pro Religione facit: sed non quā solemnia & legitima omittuntur, nam eo casu, magis polluitur, quàm augetur. Par patris erat auctoritas, quæ Reipub. Atqui est apud Liuium, cū P. Cornelius Scipio, Prætor in Hispania, inter ipsum discrimen pugnæ, vouisset ludos; & post victoriam postulasset a Sena-

tu, vt ad eam rem pecunia sibi decerneretur: respondisse, Eius quod ex sua vnus sententia vouisset, Senatum non teneri. Itaque aut faceret proprio sumptu, aut de manubiis, si quid reseruasset. Possët filius de bonis patris, atque eo inconsulto: quod neque summus Magistratus sine consilio? Quòd si de Vestalibus obiicitur, videri se religioni potuisse dedere inuito patre, quia *capi*, non *legi*, dicebantur: ideòque Pontifex Maximus eas non acciperet, sed raperet a parentibus: non valet a notatione ista argumentatio. Nam tantùm abest vt hæc clausula Pontificia, *Amata te capio*, notaret aliquid inuitum, aut violentum: vt contrà, hoc quod volumus potissimùm confirmaret. Non erat acceptio sine deditione. Sic Pontifex eam certè capiebat quæ Vestæ addicebatur: sed a patre datam & oblatam. Hinc Metabus ille apud Virgilium. Accipe, testor, Diua tuam. Sed hoc Gellius disertè, lib primo. Capi autè virgo propterea dici videtur, quia (inquit) Pontificis Maximi manu prehensa ab eo parente in cuius potestate est, veluti bello capta abducitur. Et paulò ante, cùm recitasset solemnitatem legis Papiæ, quâ le-



P. ÆRODII

ctio, ortitióque inducebatur : Hodie (inquit) si quis honesto loco natus adeat Pōtificem, atque filiam suam offerat ad Sacerdotium : tam legitima professio est, quàm si omnia ex lege Papia accessissent. Atqui tam necesse erat filiamfamiliæ offerri a parentibus, vt ea aliter non legeretur quàm si patrima, matrimaque esset. Nam si esset emancipata, aut pater eius emancipatus: etiam si viuo patre in aui potestate esset, reiiciebatur. Cur ita? nōne potuissent exhiberi ab auo? nōne à tutore, aut curatore? ea ipsa, sui iuris esset, num potuisset vouere sese? Non licebat, vt a Labeone Antistio dicebatur. Sese, propterea: quia sex annorum minor, nec maior decem non capiebatur. Vt alij verò eam traderent: non erat qui id tam posset sine exceptione, quàm pater. In aliis, necessaria erat causæ cognitio. In patre, nulla. Nam vt omnis bona causa erat adoptionis, quæ fieret à patre naturali: sic erat consecrationis. Quid enim si filia voluisset discedere a Vesta: & auo, aut tutori obicere : Non satis habuisse pro potestate, qui & vitam & statum commutarent? ius hoc in eo esse qui vitæ ac necis habeat potestatem. Ergo

in patre duntaxat, quia nec auo quidem compete-  
bat, inquit Seneca? Sane qui se-  
culo exēptam applicat Deo, is ei vitā vita-  
lem quodāmodo adimit, imò & quasi pa-  
triam ipsam. Meritò itaque solius patris  
hec auctoritas debebat esse: & quæ vfur-  
pabatur a Pontifice, inualidam existima-  
bant, nisi a patre cessa esset & accepta.

Porro non est quòd quis dicat, id locum  
habuisse duntaxat in Vestali, & præcipuè  
ob eam minorem ætatem qua legebatur  
Sacerdotio. Nam & ex his verbis quæ sunt  
apud eundem Gellium: *Plerique autem capi  
virginem solum debere dici putant.. Sed fla-  
mines quoque Diales, item Pontifices, & Au-  
gures capi dicebantur*, manifestò apparet, i-  
dem ius fuisse in masculis, si filii familias  
caperentur. Nonne cū apud Dionem  
legitur ea controuersia, quæ fuit de Cor-  
nelio Spintere in collegium Pontificum  
asciscendo, licet Faustus, qui erat ex eadē  
gente Cornelia, iam in eo esset Pontifex:  
Idcirco vtrique patres, naturalis, & ado-  
ptiuus, cooptionem præcipuè defendunt,  
quia filium collegio offerrent, non filius  
se? Profectò, nati non poterant exire  
patria potestate, quin pater auctor esset.



P. ÆRODII,

quod tamen accidisset, si sine cōsensu patris hæc vota liberorum valuissent. Verum ut ad Christianismum sensim accedamus ( neque enim fortasse Paganica exempla te mouerent ) quæ erat in hac quæstione lex, aut consuetudo Iudæorū? Imprimis nullo casu apertè filio dicitur, *Relinque patrem & matrem*, nisi ut adhæreat Vxori. Si quid alibi est huiusmodi: consilium est, non præceptum. Res mandatur disquisitioni, ut nos alio loco diffusius. Iubetur hic sine exceptione fieri cum Natura diuortium, In aliis casibus, tam cautè, tam pedetentim, ut tutius sit a recta via ac regula non discedere. Verumtamen quicquid de ea discessione enunciatum sit ab Adamo, an propterea valet, quod obligatio maritalis maior, arctiorque videatur esse, quàm patris? Imò hæc originem habet a Natura: proficiscitur ex fuitate, idemtitate. Illa, ex humana ac politica societate duntaxat. Quod maritus & vxor pro vno veluti habentur, fictione & imaginatione fit. Itaque facillimè segregantur. At filius, os ex ossibus, caro ex carne est penitus. Vna & eadem persona est cum patre: eiusdem substantiæ, eiusdem

corporis & animi quasi delibatio quædã: Quò fit vt nihil possit extrinsecus accidere, quin filius perpetuò sit filius. Quæcunque abdicatio, expositio, venditio, emancipatio, aut adoptio interueniat, semper præualet Natura. ius, sanguinis nunquam immutatur. Filia licet exposita a patre, ante Constantinum ne poterat quidem nubere sine consensu patris. At vxor defuit esse pluribus modis: re iudicata, infaniã, separatione, seruitute, diuortio. In liberis hoc mirificè accidit, vt, quanquam extincta principali obligatione, maneat pignoratitia. Perpetua sunt pignora Naturæ.

Cur itaque filius deferit patrem & matrẽ vt adhereat vxorí? cur omittit quod maius est: quod minus est, amplectitur: quia hoc casu parentes id tacitè volunt: & propter commune votum propagandi generis, quòd nos liberi derelinquant, volentibus & consentientibus hoc faciunt: Et, videlicet, quemadmodum nobis hi proximè succedunt, sic eis fiat vicissim. Verumtamen, seorsum habitare cum vxore, an est parentem deferere, aut relinquere? Imò hoc maxime obediunt liberi, quòd, si matrimonia contrahunt, si familias alienas,



P. ÆRODII,

tanquam colonias, inchoant: faciunt voluntate atque arbitrio parentum. Quomodo, *Dare operam uxori*, esset deciscere, ac discedere a patre, cum liberi matrimonio non acquirerent emancipationem? cum maritus & uxor non minus essent in potestate patris? cum iura naturalia ac ciuilia nuptiis non immutantur? Vt ut sit, sententiæ Adami Deus, qui, siue liberi contraxerint matrimonium, siue non, memor illius iuris quod iam constituisset à Natura, sine exceptione addidit hoc oraculum, *Honora patrem tuum, & matrem tuam*: præcisè magis, quàm si hoc modo, *Ei, eæque obtempera*. Nam in reuerentia, obedientia consistit. & est qui obsequi non tenetur, cui cultus tamen necessarius est. Exempli gratiâ: Si summo iure potes vel nubere, vel vitam monasticam profiteri me inuito, ut votum, matrimoniumve quodammodo subsistat: debes nihilominus, ut tanti oraculi, prius veniam a me impetrasse, prius consuluisse quid sentiam, prius denique docuisse quid te impulerit in illam aut illam vitam: propensio, inclinatione spontanea ac prudens, an circumuentio, persuasione extranea & medicata.

Eo

Eo omisso officio, & eo ritu: sit actus tam legitimus, quam qui est maximè: ubi est, quem præscripsit Deus, honor, reuerentia, cultus humanior: Si id nisi ad solemnitatem interuenit: solemnitatis dat esse rei. Pergamus. Cur Deus imperauit Abrahamo ut filium sibi immolaret, essetque sacrificij auctor: nisi quia in omni causa liberorum iudicium patris debet adhiberi? Si nihil Dei interfuisset, quis, quæue sibi Isaachium immolaret: ac perinde gratū, iustumque habuisset sacrificium, id pater, an alius fecisset: magis hoc alteri mandasset, quam patri. Non enim Religio sanctior angustiorque est, quod sit coniuncta parricidio. Quid igitur? Deus voluit sibi dedi Isaachium. Sed quia ista deditio debet a patre proficisci: dare cum imperauit, qui, quia pro potestate, mactando non delinqueret. Pater non tenetur parricidij, inquit Martianus. Si in Isaachio, si in Samuele caufaueris ætatem: quia essent videlicet impuberes, propterea fuisse necessarium ut patres interuenirent: filia Iephthæ, quæ reapse immolata est (sicut ab Erethæo, Praxithea: a Mario, Calpurnia) erat apta matrimonio. Præterea, quid



P. ÆRODII

potest Elyfœo obiici? Ad Prophetiam vocatus (quæ fuit vita quædam Regularis, ut vnctione, pallio, & abſtinentia apparet) & ſi maior annis, etſi ab Elia Propheta, etſi Deo mandante nominatim: attamen reſpondit, *Oro te, patrem meum oſculer, & matrem meam. Sic te ſequor.* Oſculum erat benediſtio patris, veniâque quam de eo exigeret prius. Quid Elias? *Vade, ac reuertere. Quod enim meum erat, feci tibi.* Quasi diceret: *Quod ſuper eſt, pendet a parentibus.* Nam etſi Deus expreſſe iuſſit, ut te ungerem Prophetam poſt me: quâ fieret, ſi hi Dij ſecundi intercederent? Ergo poſtea quàm Propheta eum induit pallio, continuò quidem Elyfæus miſſo aratro Eliam eſt ſecutus. Attamen non prius diſceſſit à parente, quàm ab eo veniâ impetratâ. Equidem, ſub veteri Teſtamento, perſonalia vota pecuniâ redimebantur: & quæ erant Nazaræorum, tempore finiebantur. Sed cap. xxx. Numero. tam manifeſtè ſcriptum eſt quid de filia eſſet obſeruandum ut turpe ſit quæri aliquid in contrarium. *Mulier* (inquit) *quæ eſt in domo patris, ſi quidpiam vouerit, ſequæ obſtrinxerit iuramento rea erit voti, niſi id fecerit contradicente patre.* Sed ne ætas obten-

deretur: de vxore idem scriptum est, vt, siue adhuc esset in domo patris, siue deducta per maritum, votum non valeret cui maritus non consenserit. Nullam excepit Moses præter repudiatam, aut viduam. Vnde hoc? an quia concurrente patria potestate, aut maritali, debilior est diuina? Minimè sanè. sed, quia illæ ipsæ à Deo sunt, has stabiliendo confirmat suam. Atqui hæ exceptiones viduitatis, aut matrimonij non erant necessariae in filio. Nam vbi primùm desisset esse in familia, nulla erat difficultas (si vir esset) quin iis votis ritè se obligaret quæ in vetere Testamento admittebantur. Nam, excepto ieiunio, aut ciborum abstinentiâ quadam, vix se aliâ re affligebant. Verùm mulier (vt Romæ) erat in perpetua tutela, nunc patris, nunc mariti, nunc etiam fratris, si innupta patrem amisisset. Quapropter si quid foeminae vouerent, ibi Legislatores ille cautior ac difficilior fuit. Sed filius quandiu mansisset in familia, quis dubitat eo casu quin fuisset in pari causa cum sorore? Pecuniâ vouisset? erat aliena. An (quod magis est) personam? erat alteri subiecta. Quomodo igitur qui nō est sui iuris, is sese obligaret,



P. ÆRODII,

nocerétque patri, qui omne in eum ius habebat? Turpe est dicere, præcipuum exemplum pietatis magis esse in foemina, quàm in masculo. Nam, cedo: cur apud veteres ita ambigebatur, possentne liberi furiosi, aut mente capti contrahere nuptias. & de filia quidem consentiebant: de filio, tantoperè dubitabant? Nonne propterea, quia familiæ columna est masculus: quia gens in eo consistit, in eo stemmata, in eo imagines: Itaque magis prouideri oportebat ne is indignè coniungeretur, in quo maior reuerentiæ obligatio est, cultus, officiique maior? Si novas contrahat affinitates, si nepotes, hæredesue novos parturiat auo: cur non hoc attentius, diligentiusque fiat? Nonne id etiam propterea, quia anni in filio non interpellant in filia: vel ante diem? filius, ut moretur paternam valetudinem, fit eo tantò maturior, dignior, ac modestior. Quid? virtutes non minùs domi sunt, quàm in foro necessariae, ut olim a Catone dicebatur? At filia, morâ & expectatione deprauatur. Id præclarè Phalaris ad Cleænetam. Is, propter rationem quam diximus, iubet ne differat filiam viginti annorum collocare

viro, quòd pater Philodamus abesset. Lō-  
gius eum nauigasse quàm vt sine ætatis  
detrimento posset expectari a puella. De  
filio contrà censuisset. Sequitur itaque,  
quod Moses prohibuit in filia, prohibuisse  
in filio multò magis. Sed expectas, imo  
exploras (vt opinor) qui descendam ad  
Christianismum. Benè est huc nostra om-  
nia & tendi, & dirigi oportet. Religio  
Christiana (inquis) aliter statuit de pietate  
& obedientia quam mihi debebas à Natu-  
ra. Videamus igitur an Christus propterea  
venerit vt eam destrueret, non perficeret:  
vt bonos mores, & quod sua sponte ho-  
nestum est, violaret, confunderet: deni-  
que, vt præcepta Dei patris abrogando,  
liberis contumaciæ ac despicientiæ au-  
ctor esset. Initium faciamus ab eo ipso;  
postea veniemus ad Ecclesiam: in qua si  
Theologi vestri puriores aliquid habent  
quod sit profectò subtilius: obtineat sanè.  
Nam etsi Christiani sumus omnes, non  
tamen omnes fidei interpretēs sumus.  
Ergo mysticoterà ad Theologos: nos hìc,  
quæ trita ac simplicia. Erat annorum duo-  
decim cùm ascensus Hierosolymam, Ma-  
ria ac Iosepho comitantibus, deseruit



P Æ R O D I I,

abeuntes. Itaque reuersi vt eum disquire-  
rent, tandem post triduum inuenere in  
templo sedentem cum doctoribus. Huic  
Maria: *Cur ita fecisti nobis? dolentes quæreba-*  
*mus te.* Respondit suboscure. Veruntamē  
(ni fallor) non minùs appositè ad eorum  
subleuandam molestiam, quàm ut de mea  
fortè existimas: videlicet, *Iustius esse obedire*  
*Deo, quàm hominibus.* Attamen descendit,  
rediitque cum parētibus. venit Nazareth,  
ac fuit subditus illis, inquit Lucas in Euan-  
gelio. An eos postea deseruit vnquam mi-  
nimè non vsque ad mortem. Sed Bernar-  
dum Abbatem vltra (quæso) audiamus:  
Etsi Maria & Iosephus verba Christi in-  
telligerent (verissimile est enim fecisse,  
quia sic eos alloquebatur: Nonne scieba-  
tis, quòd in his quæ *Patris mei sunt*, oportet  
*me esse?* Attamen non acquieuerē, inquit,  
Sermone xix. in Salomonem voluere et-  
tiam obtemperari sibi. Itaque quamlibet  
ætatem attigisset, eos deinceps perpetuò  
est sequutus. Iam liberis, a quo melior for-  
mula obedientiæ ac pieratis in parentes,  
quàm a Christo? Non dedignatus est ma-  
gister sequi discipulos: nō homines, Deus:  
non fabrum, non foeminam, verbum at-

que Sapiencia ipsa . Et tamen Iosephus propriè non erat pater. Implet Iesus voluntatem vtriùsque, tam cœlestis , quàm terreni patris: docetque manifestò , nihil impedire quin simul coli possint: atque, ut istud piè ac ritè fiat, non necesse esse pro altero alterum negligi. Is rursus postquàm cœpit ad populum agere, & ante omnia animaduertit Scribas & Phariseos errare in præcepto quo de agimus: atque id ipsum retorquere in parentes, hoc colore, quòd, pro debita pietate , aliquid aliud exercerent, agerent, quòd æquè pium & sanctũ esse existimabant: Quare (inquit) transgredimini mandata Dei ob traditionem vestram? Dixit enim Dominus , *Honora patrem tuum, & matrem tuã.* atque iterum: *Qui maledixerit patri vel matri, morte moriatur.* Vos contra: *Quicunque dixit patri aut matri, Munus quod ex me est, proderit tibi: ne necesse ei sit amplius honorare patrem suum, aut matrem suam.* hypocritæ: *Deum colitis in vanum, qui præcepta hominum præceptis Domini antefertis.* Cur hoc? Christus tam seuerè? an quia Pharisei his muneribus, ac thesauro sacro (quem Corban appellabant) perdite abutebantur? oblationes quæ Tē-



P. ÆRODII,

plo destinabantur, sibi, atque adeo libidini applicabant, non Deo: minimè. Notasset enim duntaxat luxuriam, & abusum. Sed reprehendit Sacerdotes, quòd facta comparatione præceptorum, sua, alioqui bona, diuinis anteferret: & quòd occasione pecuniæ quomodocunque sacræ, sacra domestica, leges pietatis, & (quâ nulla est antiquior) obligationem naturalem violarent, contemnerent. Atqui hîc aliquid etiam maius est. Nam primum præceptum quod obtēdis, & quintum quod negligis: Dei sunt ambo: manant ab eodem auctore atque Legislatore. Necesse est igitur, ut vel ea mutuò sese impedian: &, contrà quàm fit legibus, quod posterius est abrogetur per id quod antecedit: vel vtrumque debet observari omninò, tam quod ad Deum pertinet, quàm quod ad parentes. Sed quid si hîc audemus dicere, Deum ipsum minùs cultus sui sollicitum fuisse, quàm parentum? Itaque e duobus suis illis præceptis posterius quodammodo anteferri? Placebunt adhuc Pharisei magis, quàm Christus? Deus, non sine mysterio quodam, sua enunciauit simpliciter: nec poenâ, uec præmio imposito, si ea homines

29  
mines vel obseruauerent, vel contemnerent: Parentum, cum hac clausula, *Vt sis longæuus super terram*. Nam etsi hinc liquido ostenditur, Naturam non pati posse ut is uiuat longius super terram, qui eos, a quibus vitam acceperit, negligit: utque ei benè ac beatè sit villo loco, qui idcirco vult latère ne gratus & officiosus in illos habeatur qui cum tanta cura ac molestia, quam sibi vitalem animam dedere, fouerunt ac sustentarunt: eo tamen quod præcipuè intendimus, apparet. Ait enim se ferri ac duci Zelotypiâ, si quis honoret Deos falsos, & alienos. At si idem fecerit in parentes: tantum abest qui inuideat, ut idiubeat, præcipiat maximè: & cum eo præmio iubeat, quo nullum est humano generi iucundius. Cur ea omnia tam obnixè? Quia cum Dij illi venerantur quos laudat, quos admittit, quos iustos, legitimósque tenet: commissum illis, imputat sibi. contrâ, omissum negligentia ne si is veneretur maximè, non excusat. Sed & ea ratio est, fortasse, quòd (si ita loqui licet) Deus Opt. Maxi. non tam morosus in cultu ac veneratione est, quàm quilibet nostrum. Satis ille, ut vult, obseruatur, si



P. ÆRODII,

pro sexu, ætate, & qualitate singulorum, obseruet eum vnusquisque. Non facit enim Ecclesiastica dignitas Christianum, inquit Hieronymus. Alius in Ecclesia est oculus, alius lingua, alius manus, pes, aurisue alius est. Qua quis in vacatione sit, si in ea, vt potest, seruiat Deo, Deo satis & abundè facit. A cunctis non exigit tantumdem. At in homine, secus est. Nisi ei filius ad nutum pius atque officiosus sit, nisi ei pro arbitrio inseruiat, contentus nō est. Nec refert cuius conditionis sint vtrūque. Pater etenim quisquis sit, eadem proportionē pater est: & filius quicumque, æquo iure est filius. Itaque, vt parentes sine exceptione veneremur: vltra, quòd id debemus spontè, *hoc volo, hoc inbeo*, inquit Dominus: & *pro opere isto produco annos vt fiat semper*. Quid igitur? si Christus iustè ac meritò redarguit Iudaicos illos Sacerdotes: potest tibi pium videri, patre ac filio Religionem vnā profitentibus, filiū se Collegio cuidam, Regulæ, aut Sôcietati addicere, quæ, etsi licita & sancta est, est tamen hominum iuuentum: & hoc ipso patrem negligere & contemnere, quod Deus, quod Natura vetat? Eo dempto

quod Deo potissimum debetur, cuiusmodi adoratio & inuocatio est: quid præterea in Religione ipsa religiosius, diuiniusque est, quam parentes honorare, ac colere? Oblatio, res sacra est. hanc tamen (ut videre est) Christus postponit pietatis, atque obedientiæ liberorum. Sanctum & religiosum est, Vouere se Ecclesiæ, ministerio, & obsequio fratrum. Paulus nihilominus, epist. 1. ad Timotheum mandat, Ut viduæ, quæ filios, aut nepotes habent, discant primum domum propriam regere: quæ parentes, vicem mutuam reddere. valere enim istud apud Deum. Certè, si quæ illi ministerio eligi oportet: is, eaque eligendus est qui in operibus bonis habeat testimonium. Hæc sunt huiusmodi: Si filios (inquit) educauit: & quæ sequuntur. An Paulus id præscriberet tam accuratè, nisi, eo etiam auctore, quædam essent officia priuata & domestica, quæ necesse est alijs omnibus anteponi, etiam factis, etiã publicis? Nam reuera hæc ab illis proficisci. Sanè ubi de moribus quæstio est, aut de naturalibus præceptis & institutis: Christiani non dissentiunt a Paganis. Itaque nihil dictum est a Paulo, quod non



prius esset a Socrate apud Xenophontem: & quod non prius Athenienses legibus nominatim censuissent. Si quis inofficiosus fuerit in parentes (inquit ille, lib. 2. de factis & dictis Socratis) omnium magistratum sit incapax. Nam qui ritè faciet sacra, Rempub. qui iustè administraverit, si impius domi est, si ingratus, atque propterea iniquus, iniuriusque in suos? Quid Paulus? Is, quasi cum Socrate contenderet, *Si quis suorum, & maxime domesticorum, curam non habeat (inquit) fidem negavit, & est infideli deterior.* Nunc vide quæ sit de te opposita coniectura. Necessariò (inquit) erit obedientissimus Generali, Provinciali, Presbyteris, quia patrem magnificè contempsit: quia hunc strenuè abdicavit ut extraneum, ut publicanum. En (pie fili) quàm longè a via Domini diuertisti, & quàm a mandatis eius alienus es: quæ tamen avis & proavis omnibus, imò Christo, meliùs scire & callere existimas arroganter. *Non equidem pater & mater Deo comparandi, sed cum Deo diligendi sunt,* inquit Tertullianus aduersus Gnosticos. Et lib. de pudicitia: *de loco, modum: de ordine, statum: de confinio, meritum cuius-*

que præcepti cognosces, inquit. Itaque qui nō honorat patrē suū & matrē suā, deterior est adulterio, deterior homicida, fure ac latrone deterior. Sed malo virtutes cū virtutib⁹, quàm vitia cū vitiis cōparare. Quid tam pium in Ecclesia, quàm legata ad pias causas? & tamen sic Augustinus: *Quicūque vult exheredato filio hæredem facere Ecclesiam, quærat alterum qui suscipiat.* Profectò Augustinum non inueniet: imò, Deo propitio, inueniet neminem. Et memorabile est de Aurelio, Carthaginensi Episcopo, qui donationem quam a patre orbo accepisset, restituit donatori cū ei liberi superuenissent. Nullo enim casu verissimile esse, sibi malle quenquam hæredem alienum, quàm filiū. En longè alia iudicia de pietate & officio, quàm quæ & Pharisei noui inculcant tibi: videlicet, neque sacrificium, neque votū, neque oblationem aliquā ei cultui anteferri quem liberis imperat Deus. Pergamus, videamúsque, sumptis iterum exemplis a summo illo Deo & homine, an verum sit quod profitemini: ob Clericatum, aut Monachatum, omnem abiiciendam esse pietatē: frustra quæ ad ea munera capescenda desiderari cōsensum, iudiciū.



P. ÆRODII,

que patris. Christus, quos vocauit ad se Apostolos, an vocauit, qui, vt tu, esset adolefcentes? Et, si vt cum sequerentur, omifere nauiculas, retia, atque opificia omnia: an ob id deferuere etiam parentes? an si eos quoque: vtrum sine venia? Imò verò, qui mariti erant, an propterea repudiare vxores? liberos an propterea abdicarunt? Certè Iacobus ac Ioannes cum discessere a patre, maiores erant viginti quinque annis. Verum quò gnauiter discessisse viderentur: an Iudæâ relictâ migrare in Italiam, in Lotharingiam, aut Hispaniam? An deinceps, quia Christiani, ora abhorruere patrùm? abominanda eorum præsentia, allocutio, conuersatio fuit? fecissent plus quàm Magister eorum ac Dominus, qui (vt diximus) à Maria & Iosepho non diuertit. Sed vt sit tibi manifestum, eos patriâ & Laribus non prius excessisse, quàm, Christo passo, profecti sunt per vniuersum mundum: & quòd nihilominus domi, & cum parentibus versabantur, licet vocati ambulant cum Christo: scriptum est, Iesum venisse in domum Petri, & Andreæ: vbi cum vidisset socrum eorum febricitantem, sic eam sanasse vt

statim & sibi & Aprelis ministraret. Itaque adduci Christo, non erat diuertere a suis, non a parentibus, non ab vxore, non a liberis & domesticis. Imò vero Iacobus & Ioannes, quācunque ætatem attigissent, ita Iesum sunt secuti, si Zebedeus annuisset. Nam quia tum cum eo erant cum vnā proficisci iussit: necesse est Zebedeum verbo, aut taciturnitate cōsensisse. Enimuerò, in toto genere isto vocationum, an putas omnes esse vnius generis, siue quæ a Deo fiunt nominatim, siue quæ hic in Ecclesia? Deus corda hominum cognoscit, dirigit, immutat. Itaque non decipitur. At homines, eligendo conijciunt. quare sæpissimè aberrant. Falli, ac decipi nostrum est. Sola Numina conscia veri. Quid igitur? in his nostris vocationibus summa est adhibenda diligentia, summa cautio, summa coniectura. Nihil debet solemnium prætermitti: cuiusmodi est præcipue quod dicimus, votum & arbitrium parentum. Si tibi locum eum adducerem, in quo sic Christus ad Apostolos: *Sinire paruulos venire ad me*: diceres illic agi de impuberibus. Reuera enim est in Euangelio, quod pueruli isti offerebantur:



P. Æ R O D I I,

non quòd vltro ad Iesum venirent. Ideoque non pronunciat, *Venite ad me: sed, sinite venire. Et rursus, Ne prohibueritis eos: Ut doceret vocationem impuberum, sicut baptisma, pendere a traditione, ac spon- sione patrum, tutorum & curatorum. Nam si eo amplius dictum est, Ne vetate illos: non parentibus dictum est, sed Discipulis qui increpabant offerentes. Hæc certè igitur de impuberibus. Sed quæ supra adduximus, ætatem non distinguunt. Scriptum est omnibus, *Parentes cole*. Scio, cum filius peruénit ad xxv. annum, rati- habitationem patris, imò dissimulationem, imò taciturnitatē (qualis Zebedæi) haberi pro consensu. Sed is cuiusmodi sit, ad- esse debet: nec potes discedere a patre, aut matrē tua, iuuitis illis. quid, a parenti- bus? dico, a germanis & consanguineis (nam Paulus generaliter loquitur de fa- milia) quin in Deum pecces, siatque reus impij animi ac infidelis. Verùm (vt opi- nor) adducitur tibi in contrarium, quòd cum quidam de Discipulis petijssset a Do- mino, vt priùs quàm eum sequeretur, per- mitteret ire, ac sepelire patrem: Iesus ait illi, *Sequere me, est sine mortuos sepelire mor- tuos**

tuos suos: atque inde sic disputant: Sepultura, res religiosa & sacra est, maximè si patri fiat. At Christus nihilominus vult magis vacari sibi, quàm sepulturæ. Præterea; Laici pro mortuis habentur. Nam esse voluptatibus huius seculi sic inuolutos, ut qui inde non possint enatare, meritò pro submersis & extinctis habeantur. hinc, Vidua viueus in delitiis, mortua est. Clerici contrà, propriè viuunt. nam pars sunt & portiuncula Dei viuentis. Itaque verè eum abstinere a mortuis, qui, ut sit Affecla Domini, hoc est (ut existimant,) I. Iesuita, dimisit patrem suum & matrem suam. Argutè: sed solutio in promptu est. Non sequitur imprimis, ut quicquid pronuntiatum est de Christo, id statim aut Clericis, aut Regularibus omnibus necessariò conueniat. Transmissa est doctrina, non omnimoda potestas, inquit Ter-  
tullianus lib. de pudicitia. Et sanè, aliud est, Christum amplecti: aliud, tot hodie-  
nos monachos. Deinde, defuncto patre illius discipuli, cessabat ea exacta reuerē-  
tia, quam fortè ille Domino obtendebat. Certum erat, eum filium amplius non esse. Postremò iubebat Dominus, non ut



P. ÆRODII,

sepultura penitus omitteretur, sed ut procuraretur ab alio. A quocunque id fieret, *parentare* dicebatur : propterea quod qui ante nos decesserunt, hos omnes communi nomine aut patres, aut maiores appellamus. Causa funeris publica est, inquit Papinianus. Vnde & Iustinianus, Nouellâ xliij. & lix. aperte indicat Constantino-  
poli sumptus funerum ex publico fieri consueuisse. Cur igitur id discipulum retardasset, quod per extraneum poterat obire? Sed tamen magna inter eos differentia est, qui impiè, aut qui sine fraude a liberis relinqui possunt. Proderit ista explicatio aduersus ea omnia argumenta quibus te profectò circumscribere. Si mortui sunt parètes, hoc est, si Iudæi sunt, si idololatræ, si pagani: filius ex aduerso, si Christianus est, si Catholicus : velitque pater hunc secum vnâ sepelire, id est, imperare ei Idololatriam : *Dimittito hunc patrem, & sequere me*, inquit Dominus : *hunc mortui mortuum sepeliant*. Sic illa accipi ac intelligi oportet. Poterisne igitur cuiquâ persuadere, solos Iesuitas vitam amplissimam viuere? nos miserrimos Christianos, quia Laici, mortuis ac sepultis imputari?

Hieronimus ad furiam longè aliter sentit. Vivit (inquit) quicunque credit in Christum. Et Tertulianus, lib. de carne Christi, non propterea collocat Marcionem inter mortuos, quod non esset Monachus, aut Hieremita: sed quia, cum hæreticus esset, non verè ac propriè erat Christianus. Atqui nos homunculi patres, fideles etiam sumus: filij Dei etiam appellamur, etiam domestici, etiam fratres, etiam cohæredes. Christi. Quod si eadem prætenditis, imò, si maiora: nostrum est quoque beneficium. Nam cum libet Christiano si petatur: *Cuius religionis es?* edocti a vobis, respondemus omnes: *Auitæ paternæ*. Nullum sanctius erat iuramentum, quàm cum *Per fidem parentum* iurabatur, inquit Philo, sententiâ acceptâ ab antiquissimo Philosopho. Non est igitur cur nos tantoperè despicias: aut facito istud tunc temporis, cum nihil vltra morabimur præter sepulturam. Habebis eo casu, si non sensum, at verba Christi ad discipulum. At te præcipuè fefellere (vt opinor) hæc apud Matthæum: *Qui amat patrem aut matrem plus quàm me, non est me dignus. Ac rursus in Luca: Si quis venit ad me, & non odit patrem*



P. ÆRODII,

suum, & matrem, & uxorem, & filios, & fratres & sorores, imò & animam suam: non potest discipulus meus esse: & alia huiusmodi, quæ sunt equidem magna & terribilia. Sed cum necesse sit ea etiam valere quæ attulimus in contrarium: debuisti inferre, ne Deus sibi ipse contrarius esset, posteriora hæc requirere explanationē. Quod patrem & liberos necesse sit odisse, ut Christi quis discipulus fiat: cedo, quæ doctrina ista, que Religio esse diceretur, si verbis inhæreremus, non menti. Si, qui patrem odio prosequeretur, bonus propterea esset discipulus: certè qui verberaret, dignus esset Patriarchatu: qui occideret, cathedrâ Apostolicâ. Vide quot monstra, quot flagitia nascerentur ex verbis, nō malè conceptis, sed acceptis. fateor, magis debere amare Deum, quàm parentes. Sed nego propterea sequi: Ergo beatius est franciscanum esse aut Iesuitam, quàm patrem diligere & colere. Religio enim Christiana, in illo, aut illo Ordine non consistit. Et quamvis professio Ecclesiastica sit Laicali perfectior: non ideo etiam sequitur, filio, ne non sit potius Presbyter quàm Laicus, non cauendam esse eo casu

contumaciam, inobedientiam, impietatem in parentes. Deus nec tibi nec mihi præcepit, ut simus Sacerdotes. Ut me honores, tibi præcipit omnino. Me violasti sciens? contraxisti crimen, maledictionem, anathema. Sed esse Iesuitam, res est indifferens. Potes esse Christianus, & viam Christi ingredi, nec tamen esse Iesuita Non est igitur prætermittendum quod est necessitatis, ut fiat quod est voluntatis. (Nam & sic D. Thomas sapienter) Quæso, si ex duabus Christi insequendi vijs, una esset tam plana ut facile cum eo me amares: altera, tam petrosa ut nisi me proculdubio odisses, tibi impossibile esset hunc amare: quâ potissimum insisteres? Sed (o fili) Matheus ac Lucas nimis dilucidè scripserunt, quàm ut ex literula aliqua impingeres in labyrinthum, atque inextricabiles ambages. Lege hos Euangelistas, & lege a capita ad calcem. Inuenies efferi, quòd si agitur de obeundo martyrio pro Christo (quod vocant *Baiulare crucem*, & *venire post se*) atque hæc duo sint in trutina, & in pendentia, *Deum negare coram hominibus*: aut, *Patrem colere*, & *amare*: fatius sit profecto hunc odisse, imò & se, &



P. ÆRODII,

animam suam, quàm subuereri de Christo. Si ergo tibi voluisssem persuadere vt abiurares baptisma quod iniisti meis auspitijs, & in quo tibi potui esse Episcopus: aut vt spreto Christianismo, placeret tibi Mahometes, placerent *ἄθεοι*, placerent hæreses: posses, auctoritate illius Scripturæ, mihi his casibus detrectare obedientiam, & honorem. Sed, nobis ambo Christianis, quis præ me in te debuit quicquã? Quem odisse ius est, quem spernere, quem violare: cui istud Leuiticum opponi, *Ignoro, nescio vos*: Is est qui te adscriberet dijs alienis, aut qui vitulo conflatili deuoueret, iuxta illud Mosis, *Sit manus tua super eos & effunde sanguinẽ ipsorum, qui te volunt a veritate deprauare*. Quo loco tamen annotabis, & ex cap. xxxii. Exodi: quòd Moses, licet illo casu approbauerit parricidium: id explicauit in vxore, in filio, in fratre, in sorore, in propinquo & amico: De patre, ne verbum quidem. Ita eius sancta appellatio est, ita veneranda, ita inuiolabilis. In patrem nihil iure licet. Atqui (vt ea de re postea) tibi identidem iusufurrât, Satiùs est calcari, conteriue patrem, quàm cucillum amisisse. Cædo, an Ioannes

Chrysostomus ignorabat quo sensu illa essent accipienda quæ ex Luca & Matheo diximus (Hic conuertimur ad Ecclesiam) cum lib. primo de Sacerdotio, narrat de se ipso, post peracta studia Athenis reuertisse Anthiochiam, & crebris ibi admonitionibus Basilij Magni, vitam monasticam concupisse. Obstitisse diu, non ætatem immaturam (nam maior erat viginti quinque annis, & iam foro operam dabat) non patrem (nam excefferat e viuis) non frequentes socios, & amicos (nam Basilius erat ei vice omnium) quid igitur? vnâ materculam. Nam vbi ea ad me his verbis: florebam etiamnum pulchritudine & annis, cum fastidiere secunda vota, vt tibi infantulo magis ac magis sufficerem, atque instituendo & promouendo, tibi largiora essent omnia. Nunc pro ea gratiarum actione, & pro eo solatio quod tot beneficia expostulant, me deserere in animo est, me spernere, & despicere? An re aliquâ defui, aut nocui tibi? Si vis monachari, cur id ante maternos cineres? vbi apud te vox Domini clamantis, *Fili, colito Anthusam*? Pulchrè Deo obtemperat, qui tristis est parenti. Cessi (inquit) victus re-



P. Æ R O D I I,  
uerentiâ in matrem. Itaque Basilio se excusat, & nihil impredientibus illis capitulis quæ tibi obijciunt importunè, maluit adhærere matri, quàm Monasterio. Conferas te nunc cum Chrysoftomo. Vix adolescens cogitasti de Iesuismo nec patre carebas tuo ( nisi eo carere est, qui charus non sit ) nec matre etiam humanissima: Quid igitur? Ne vel auctoritas illius, vel charitas, pietasque huius te dimoueret quò quicquam in ea re auderes sine licentia vtriusque, sine eorum bona gratia, ac consilio: vitasti naturalem aspectum: migrasti, atque per triennium iam te subduxisti eâ indignitate & arrogantia, vt eo toto interuallo nec scripseris, nec nunciaueris quicquam quo saltem intelligeremus vbi esses: In Galliâne hac miserrima, an in Lotharingia, aut Hispania. verebaris ( opinor ) ne quam Hortensiam appellabas, ea hoc modo te compellaret: Patri ( quod abominor ) si quid humanitùs accideret: quale mihi subsidium esset a fraterculis? ætas enim non suppetit. Prætereà, quâ fiduciâ, cùm exemplum habeant tuum? O, quàm Deum Optimum Maxi. deuinxisti, qui, vt ei præcipue

cipue inferuires, ita ab omni iure & officio desciiuisti, ita a recto & honesto, ut nihil volueris amplius tibi commune esse cum parentibus, imò ne officium quidem epistolarum. Si hoc propterea sanè, quia attentiores sunt sanguini: attamen sunt fideles. Si quia plus superstitiosi quàm conueniat Christianis: metu tui accidit, non Christi. Meritò certè recusabat illa bona Veturia legari ad Martium. Quid enim (aiebat) obtinebo, quid Valeria, quid nepotes, cum per quadriennium quo eiectus est, nullà literulà nos conuenerit? tam sit familiæ oblitus, quàm ciuitatis aqua damnatus est indignè ac iniuste? Legationem tamen obiit, vicitque (ut diximus) solo nomine obstinationem filij. Vtrum religiosior es Chrysostomo, aut Coriolano subdurior? hic matri obuiam venit: tu contrà à tuâ abstines, neque aliud quicquam tantò opere euitas. Cur saltem non rescribis sine die & Consule? Profectò si ista ageres Basilio auctore: fortasse esset, ob tantum virum, quo piam obumbrares impietatem. Sed vereor ne a tantis Patribus quicquam habeamus huc vsque, præter longum & inane nomen. Melius est si



P. ÆRODII,

veteribus exemplis tecum iterum agamus. Ergo te appello, ô Saluiane! An in-  
sciuseras nouæ istius Ecclesiasticæ disci-  
plinæ, cum nihil agebas tam obnixè,  
quàm vt Hepatius & Quiëta factum ex-  
cusarent Palladiæ tuæ, quæ iis inconsultis  
amplexa erat Christianismum: imò tuum  
præcipuè, qui post susceptam Auspiciolâ,  
quanquam orationis ac continentiae cau-  
sa, attamen sine soceri auctoritate disces-  
seras a thoro? Cum tibi Palladium spon-  
debant, sciebant collocari Christiano.  
Quapropter satis consensisse videbantur,  
vt in fide marito ea vicissim conueniret.  
Imò & certum erat, quòd paulò post diui-  
num hoc vestrum matrimonium, tui illi  
vxo-rij parentes sese similiter adscripserât  
Christo. Vtcùnque igitur meritò molestè  
ferrent quòd iis inconsultis egisses, susce-  
pisses hæc omnia (nam tali diuortio in-  
tercedente, quæ spes masculi deinceps?  
& in tanto negotio desiderari iudicium  
parentum, quæ contumelia ac despicien-  
tia est?) si vetabant ne in conspectum pro-  
pterea venires, & si per septem annos, vt-  
cùnque eis creberrimè scriberes, nihil tibi  
quicquam respondebant (omitto quòd

nupta non tam deinde ad patrem , quàm ad maritum pertinet ) num poteras illis audacter obiicere, Sic Deum apprimè diligere, si odio habeas patrem? At contrà, lege illius epistolas . Quicquid ibi offenderis, sunt lacrymę, sunt deprecationes, sunt veniæ expetitę, *et si* (inquit) *delictum nescio*. Tu quid? Cessatio scribendi, tua est, non mea. Et qui vix excesseras ex phebis, voves, me inconsulto, coelibatum, non castitatem: nam quĩ ei sufficias hac ætate? Nulla tacita voluntas excusat tuam arrogantiam. Nam contrà intercesseram nominatim. Denique, quòd defecisti ad Iesuitas, non a Paganismo defecisti: sed a communi Christianorum. Cur igitur, potiùs quàm Saluianus, veniam non imploras? quia, non vt ille, delictum nosti. Quæso: considera quàm deliquisse se existimasset Saluianus, si eos parentes violasset in quibus nihil erat ampliùs Idolorum: cùm in eos qui adhuc pagani essent, & in parentes, non naturâ, sed affinitate, sic doleat commississe quòd dolerent? cùm existimaret se Christianum verè non videri, quòd socerum, socrumque haud ita honorasset, vt iubet Dominus patrem, hoc



P. ÆRODII,

est, sine distinctione, probus, improbus sit: Iudæusne, an Paganus: fidelis, aut infidelis? Enimvero tempus est, ut ab exemplis transeamus ad constitutiones Ecclesiæ: ne fortè obiicias, quæ adduximus, esse singulorum. Itaque in thesim non valere. Nam etsi ingenuè fateor, posse a filio relinquere patrem Idololatram, si vi eum truderet in Paganismum (ut est apud Theodorum, lib. III. historiæ Ecclesiasticæ, cap. xiiij. & xxij.) vi deficiente, afferro tibi cum Generales, tum Prouinciales Synodos, quibus neque filio patrem, neque patri filium: non maritum uxori, non seruo dominum fas est deserere hoc solo, quòd in Religione dissentiant, aut quòd præponant aliquid pietati: quibusue nec cucullo, nec pallio extinguitur ea arctissima obligatio quam statim a Natura Dij omnes, hominesque pepigere inuicem. Incipiat a seruo narratio. Is si voluisset deficere a Domino propterea quòd Gentilis, Iudæusve esset: an non fauor libertatis, atque religionis potissimum, hunc excusasset? Negat canon Apostolorum: *Serui* (ita enim scriptum est, cap. lxxxj.) *si in Clerum promoucantur citra dominorum vo-*

luntatem, hoc ipsum operatur redhibitionem. Si quando verò servus gradus ordinatione dignus videatur, qualis & noster Onesimus apparuit: & domini consenserint, manúque emisserint, & domo sua ablegauerint: efficator. Negat Concilium Gangrense, quod anno cccxxiiij. fuit, paulò post Nycenum. Si quis servum alienum (inquit) occasione Religionis, Dominum suum contemnere, & eius ministerium destituere, ac non potius docuerit eum suo Domino bona fide, ac cum honorificentia deservire: anathema sit. Certum est, agi illic de servis Gentilium. & cum Religio nominatur, intelligi Christianam. Sed & Concilio Aurelianensi V. sub Childeberto, plus continetur. Nam ultra quòd secundum canonem prohibet seruo se vouere Ecclesiæ in scio Domino, poenam quoque imponit Episcopo, videlicet, ut sex menses abstineat a Missa, si servum sine voluntate Domini ordinaverit. Certè quidem Iustinianus, constitutio. cxxiii. Domino statuerat tempus intra quod servum reposceret ab Ecclesia. At Leo ix. ut antea, voluit esse perpetuum. Sin putas aliud esse in Monachatu: eum enim Sacerdotio anteferri. Carolus Magnus aliter &



P. Æ R O D I I

sensit, & constituit. *Vt seruum alterius nemo* (inquit cap. xx. & lxxii. ) *solicitet ad cleritatum, aut Monachicum ordinem promouere sine voluntate ac licentia domini sui.* Id vetus obseruabat Ecclesia, non quia turpe esse existimaret, Deo dominorum seruire seruum. nam par omnium conditio est apud Deum. Cur igitur: audi Tertulianum contra Marcionem. Quid enim (inquit) iniustius, quid iniquius & improbius, quàm seruo alieno ita benefacere vt domino eripiat, vt alij vendicetur, vt aduersus caput domini suborneretur: &, quidem quod indignius est, in ipsa adhuc domo Domini, de ipsius adhuc horreis viuens, & sub ipsius adhuc plagis tremens? Aduersus vxorem alienam, seruū, liberum, subditūue alterius, æquè beneficio, atque iniuriâ est abstinendum. Nullo enim modo hos quis pelliceat sibi, quin, quod peculiare est marito, quod Domino, quod patrono, quod Principi iniquissimè auferat, fidem & amicitiam. Porro, quicūque est alieni iuris: obediendo, vitam æternam consequitur: calcitrando: diuertit a Religione Christiana, quæ tota est in charitate & obedientia: nisi quid ei

impium præcisè imperarent, vt & homilia xxxv. Ioannes Chrysostomus scribit, cùm Pauli illa enarrat verba, *Filij, in omnibus obedite*. De vxore ita etiam Apostoli cap. v. Episcopus, aut Presbyter, aut Diaconus vxorem suam prætextu religionis non abijcito. Si abijcit: segregantor a communione: si perseuerent, deponitor. Idem canon in lure Pontificio transcriptus est hoc modo, distinct. xxviii. *Si quis docuerit Sacerdotem, sub obtentu Religionis propriam vxorem contemnere, sit anathema. Et Patres in Grangrensi illo Concilio: Si quis discernit Presbyterum coniugatum, tanquam occasione nuptiarum quòd offerre non debeat, & ab eius oblatione ideo abstinet: anathema sit. Et postea: Si quis nuptias in accusationem induxerit, & mulierem fidelem ac religiosam cum viro suo dormientem, abominandam crediderit, aut etiam accusandam, tanquam non posse coniugatos in Regnum dei ingredi: anathema sit. Quid ais? an non statui his legibus, tam esse extra Ecclesiam quæ prætextu continentie se segregat a marito, & thalamo abstinet: quam qui laudant huiusmodi castitates, & Societatem tam diuinam vilipendunt, ac depri-*



P. ÆRODII,

munt? Quod ad Patres ac liberos attinet,  
mutua eorum obligatio est. Itaque in pa-  
rentes hæc ea Synodus imprimis. *Si quis  
reliquerit proprios filios, & nō eos aluerit: &  
quod pietatis est, necessaria non præbuerit, sed  
sub obtentu continentiae negligendos putauerit:  
anathema sit.* Non commisi erga te quod a  
Patribus hîc improbatur. Alui, extuli, in-  
stitui: & si quicquam est in Græcis, Lati-  
nisque quo quis erudiri ingenuè possit:  
præ summa in te beneuolentia ac pietate,  
mutua mihi cum Iano Ærodio, Præside,  
patruo tuo, concertatio fuit, ne quid tibi  
deficeret ad eam rem tam præclarem: ut  
cui vitæ conditioni te nacti essemus ap-  
tiores, huic dederere nostro arbitrio: aut  
tuo tandem, si maior factus, nos humano  
more amisisses. Huius beneficii ergo de-  
seruisti etiam in salutatos. Est quidem cer-  
tè in epistolis Heronimi, Paulam & vr-  
bem, & liberos reliquisse, excepto Eusta-  
chio, quem Betleem deduxit quò profi-  
ciscebatur ut solitariè viueret. Sed erant  
omnes maiores natu, præter Toxotium:  
cui, & puberi Rufinæ legauit sua omnia,  
ac tutores dedit. Verùm, quòd ad te at-  
tinet, audi nunc quæ tua damnatio sit futu-  
ra: &

ra: & cogita a quo absolutionem impetrabis sententiæ tanti anathematis, cui te proculdubio subiicit eadem illa Synodus quam diximus: *Si qui filij* (inquit cant, xvi.) *parentes, maximè fideles, deseruerint, occasione Dei cultus hoc iustum esse iudicantes, nec potius debitum honorem parentibus reddiderint, ut hoc ipsum in iis veneretur quod fideles sunt: anathema sit.* Obsecro: num celauere tibi hoc Concilium? Credo equidem: nunquã enim esses ita deprauato animo, ut filius, tuã sententiã, plus posset aduersus patrem, quàm seruus aduersus dominum: utque tibi videretur acerbissimum esse parenti crimen, *Nõ consulere liberis*: iis contrà, leue & contemnendum si iniqui essent in parentem, inofficiosi, iniuriosi, & contumaces. Ecce, non distinguitur in hac Synodo, patres sint fideles, an infideles: liberi, puberes, an impuberes. Sed fortasse tibi insusurrant, Concilium illud fuisse temporale. valuisse suã die: hodiernã, non valere. Huic solutioni ita respondeo. Patres longo interuallo approbarunt eam Synodum, videlicet, in vi. Generali Constantinopolitana: Deinde & Gratianus ipse. Nam cùm eam transcripsisset in Collecta-



neis? postremò, illa interpretatio ferri posset, si Gangrensi Concilio prohibebatur recedi duntaxat a parentibus qui pagani essent. Nam quia religio Gentilium tum adhuc potentior erat: itaque proculdubio cauendum ne Christianam nimis fastidirent: fortasse Ecclesia tunc improbasset, a fidei deserere infidelem, nisi apertè traheretur in cultum & sacrificium Idolorum. Sed liquidò apparet, Synodum noluisse eo magis deserere parentes si Christiani, fidelesque essent, cum ait, *Vt liberi hoc ipsum in iis venerentur quòd fideles sunt*. Ratio perpetua Christianis. Verum operæ pretium est meminisse eò ampliùs causam & occasionem Synodi. Non fuit, quòd Pagani quererentur se deserere ac negligi a liberis Christianis. fuit ex aduerso, quòd Christianos Christiani relinquerent: atque id ipsum filij in eos committerent, quod tu nuper aduersum me: vno excepto, quòd illi veteres veram vitam Monasticam amiebant: tu, qualis ea nunc est, vestiariam, & verbosam. Vnde igitur illa vitiosa disciplina? Cum primùm fuere in Ecclesia qui se dicerent Anachoretas, Eremitas aut Monachos: Eustatius extitit, qui, zelo

quodam, sed imprudenti, cepit personare  
verba illa speciosa, *Christo indignos esse, qui  
eo patrem aut matrem plus amarent: atque in-  
ferre ex illis, omnia esse cōtemnenda, La-  
res, facultates, parentes, liberos, germa-  
nos, denique hunc mundum vniuersum  
quò beatiùs in solitudine liceret esse, de-  
geréque sub norma aliqua, aut Societate  
seiuñcta ab aliis: Videlicet, ne iam suffice-  
ret esse Christianum, nisi Eustatiennae esset  
præterea. Quid manabat de doctrina ista?  
vt vxor relinqueret maritum; dominum;  
seruus: parentes suos, liberi, &, vice versa;  
vt Christiani facerent matrimonium:  
vniuersum id denique ad quod pro patria  
nati sumus: vt Religio, quod potest maxi-  
mè, continere omnes in officio: eos, in cō-  
trarium, dissiparet, peruerteret: denique  
vt meritò dicerent Gentiles (inter hos Zo-  
zimus) *Christianos infructuosos esse in nego-  
tio: quæ summa erat hominibus iniuria,*  
inquit Tertulianus in Apologetico. Res-  
pondebant nihilominus Eustathieni, reli-  
ctionem, neglectūque hunc fieri occasione  
*Dei cultus*. At Patres in Concilio damna-  
uère occasionem istam: edixeréque vni-  
uersi, magis Christianum, Religiosūque*



P. *ÆRODII*,  
esse, parentes venerari & colere (præcipi  
etenim a Domino) quàm, vt is vicissim  
obseruetur, eos negligi: quod prohibet.  
Nam cum parentibus rectè eum coli pos-  
se: siue is, infideliter, inquit Ioannes ille.  
Ergo Eustathius diuertit ab instituto: &  
tandem Episcopus fuit in Ecclesia, non  
Monachus. Quòd Concilij illius occasio  
fuerit huiusmodi, docet epistola Synodi-  
ca: docent Socrates Sozomenus, Isidorus:  
sed & Gratianus ipse distinct. xvi. & xxx.  
Quid: tot & tantæ auctoritates tibi non  
sufficiunt, postquàm mea apud te iam nul-  
la est? An iterum, iterùmque putas, te, nec  
si permissero, posse euadere in verum, le-  
gitimùmque Iesuitam? fortasse in hoc lu-  
to etiam hæres. Videamus itaque quid sit  
id quod tibi afferunt ex D. Hieronimo: &  
an Claustrius aliqua Theologia superue-  
nit, nouùmve Euangelium, quo abrogata  
sint vetera illa Ecclesiæ decreta, postquàm  
hæc tam magnificè contemnis. Certè D.  
Hieronimus scribens ad Heliodorum de  
laude vitæ solitariæ, vsus est his verbis: *Li-  
cet paruulus ex collo pendeat nepos: licet sparsa  
crine, & scissis vestibus, vbera quibus te mater  
nutriuerat, ostendat: licet in limine pater ia-*



ceat: per calcatum perge patrem: siccis oculis ad vexillum crucis euola. Solum pietatis genus est, in hac re esse crudelem. Sententia omnino magna, & eximij in Ecclesia Theologi. Sed prius quàm dilucidè ostendo quo sensu enunciata est: cùm Hieronymus (ut videtur) sic capite diminuat parentes, & Naturam ipsam eo quasi prostituat modo: concilia mihi imprimis quod pro parentibus scripserat in epistola de vitando suspecto contubernio: *Pater & mater*, nomina (inquit) sunt pietatis, officiorum vocabula, vincula Naturæ, secundaque post Deum foederatio: non est laus si vos diligitis; scelus est, si odistis. Dominus noster Iesus Christus subiectus erat parentibus suis. Venerabatur matrem, cuius ipse erat pater: colebat nutritium, quem nutruerat, gestatumque se meminerat alterius, utero, alterius brachiis. Dices, hunc locum in illo habere exceptionem: videlicet, ut pietas tunc omitti possit, negligi benevolentia & humanitas, cùm stat filio familias conuolare in Monasterium. Crudelitatem eo casu misericordiam videri: inciuile, honestum: contumaciam, fidem. Atqui ne existimes (ô fili) ut cūque Hieronymus hæc speciosissime



P. ÆRODII,

ad Heliodorum: si seriò ageret tamen, al-  
laturum ei consilium, vt quod denotant  
verba, re adimpleret in parentes. Absit vt  
Hieronymus parricidij auctor, suasorque  
esset: vellétque ab Heliodoro Tulliam il-  
lam imitari, licet vt eo nomine Regna om-  
nia inuaderet quæ vel hic sunt reuera, vel  
quæ apud mortuos imaginantur esse. Tã-  
tùm certè abest vt verba illa Hieronimi  
in tantam crudelitatem, tantùmque nefas  
trahiac conuerti possent: vt cùm Hiero-  
nymus hæc Heliodoro diceret, nullus ei  
ex parentibus superstes esset. Habebat so-  
lummodò sororem, & ex ea Nepotianum  
tunc infantem: itaque non poterat existe-  
re, vt si parentes deserta Syriæ illi interdi-  
cerent, per calcatos, proiectosque nihilo-  
minùs ambularet. Quid vult Hierony-  
mus igitur? Cùm Heliodorus iam diu mi-  
litiæ vacasset, aliisque publicis negotiis:  
maior factus, atque orbus (vt diximus)  
terrena habuit pro derelicto, vnâque cum  
Hierônimo, qui erat iunior, vouerat vitã  
solitariam. Ac sanè diuerterant in Mona-  
sterium, fuerântque ambo in eo diu, cùm  
subiit Heliodoro desiderium visendi vni-  
cam sororem, atque ex ea filium. Illic cer-

tē animum mutat. mancipiat se Ecclesiæ,  
& assumit Clericatum pro Monachatu.  
Tunc est proculdubiò cū ista ad eum  
Hyeronymus de laude vitæ solitariae: cū  
adolescens, ac penè puer (vt ait de se alio  
loco) cū recens ab Academia, his floscu-  
lis apud eum vtitur: cū eā militiā secula-  
ri alludit ad Olympicam: & eos motus,  
eos affectus interponit, qui sæpe cum ami-  
citia coniuncti sunt. Ea sanè sunt huius-  
modi, vt cū pro Christo Iesu castratio  
imperatur: cū excæcatio, si sint oculi in  
scandalum: cū derelictio & amissio bo-  
norum, quasi sit impossibile locupleti in-  
trare in Paradysum: cū non curare de  
craftino, aliâque id genus, quæ sine dubio  
inducerent hæreses, si ad literam, non ad  
spiritum traherentur. Leontius, Episco-  
pus Laodicensis, quòd re sese secuisset, dā-  
natus est in Ecclesia. Quid ille ipse Hye-  
ronymus? nonne scripsit tam multa, &  
tam vehementer in commendationem  
pudicitia, & cælibatus, vt propè videre-  
tur damnare & improbare matrimoniū?  
Et tamen certum est hoc proculdubiò no-  
luisse. Si ita esset, nempe vt ex animi sen-  
tentia persuaderet Heliodoro citius per



P. ÆRODII,

patrem proficisci, quàm priuari eo summo bono, quod (vt videre est) collocas in Monachatu: quare huic Clericatum anteferret? Agnoscit quas solutiones afferebat Heliodorus, in alio valere posse: in sua causa non valere, qui, quia conceptis verbis professus sit vitam exercitatricem, nequeat sine fraude reuocare gradum, & tendere etiam ad maiora, vt puta ad Præbyteratum. Describit is quidē certē quàm benè, ac beatè viuatur in Monasterio: cōtrā, in Seculo quàm periculose ac procliuiter ad tentationem. Gaudebat (inquit) de ascensu: sed timebat de lapsu: Itaque non accusat discessionem Heliodori: imo nec promotionem in Clerum. Neque amplius ei auctor est præcisè, vt a vita hac cōmuni transeat ad Monasticam. Sed quia ad eam iam antea defecerat, & rursus (vt dicitur) fastidierat cucullum: & quam vnā arripuerat, abiurauerat vitam: conatur Hieronymus validis istis argumentis, aut potius schematibus, retrahere eum in Monasterium. Et quòd ad ea attinet. *Qui amat patrem & matrem plus quàm me: vide* (quæso) num Heliodorus respondebat Hieronymo, locum ea habere *Si de Martyrio ageretur*

retur: & an Hieronymus huic solutioni rectè satisfaciat. Vt ut sit tamen, ne quis aliquando orationi illi suæ, non tam veræ quàm eleganti, tenaciùs insisteret: & verba attenderet, non mentem: ad extremum ille ipse, tum cùm prouectior esset, epistolâ ad eundem Nepotianum, iam annis, iam virtute virum, sententiam mutat: & quæ olim proposuisset Heliodoro, fecisse ait, cùm luderet pro ætate: & calentibus adhuc Rhetorû studiis ac doctrinis, quædam more scholastico depingeret. Perpende nunc apud te, si locus ille Hieronymi te excusat: te, qui minor es etiamnum viginti quinque annis: te, qui & patrem & matrem habes: te, qui nihil præuoueras Iesuitis: te, cui non agebatur de euitando Paganismo, neque de persecutione fugiēda: te denique, non cui obeundę essent vastæ solitudines, sed si quæ sunt omnium Gentium sedes, vrbésue elegantiores & amoeniores. Sanè cuiusmodi fuit oratio D. Hieronymi: quacūque eam scripserit ætate: si nomen tanti viri te mouit nihilominus: cur non mouit ex aduerso Beati Heliodori exemplum (nam & sic eū Hieronymus appellat) cur non etiam Læti (si



P. ÆRODII,

quæ extat ad eum epistola, est Augustini) qui maior, & despectam Remp. repetit tamen rædio omiffæ matris? Cur non Ioânis illius Chrysoftomi, de quo antè? Non fuere minùs sancti propterea, non minùs Christiani, non minùs fideles. At ne obii- cias, utcùnque illa celeberrima exempla solius esse primitiuæ Ecclesiæ: producam tempora Bernardi Abbatis: atque etiam postremò, ne sit quo tantillùm hæsites, satisfaciam Iustiniano Principi, cuius constitutione sunt qui existiment tribui liberis, vt sine consensu patrum sese applicent Ecclesiæ: quò cunctis accuratè perspectis, tute ipse sententiam feras, Quod commisi aduersum me, rectumve sit, an ingratum. Hic res est inter Catholicos, imò inter Monachos, quod angustius est omnino. Beato illi Abbati fuerat nepos, nomine Robertus, quem pater in iuuenili ætate destinauerat Monasterio Cluniacensi. Sed eo mortuo antè oblationem, Robertus sociauerat sese Cisterciensibus: & Bernardus ipse eum illic adoptauerat: Paulò post monachi quidam Cluniacenses circumuenère adolescentem, & ex illo Monasterio transtulere in suum. Hinc controuersia

inter Regulares. Bernardus primum accusabat hoc quasi lenociniū: videlicet, quod ad eam rem & dolum, & blanditias, & machinationem attulissent. Nam qui seducerent nepotem, tentasse imprimis per nouitium quendam: postea, per absolutionem Monachum: postremo, per vnum ex Prioribus amplissimis, Vim deinde accusabat, quod violassent Ostiarios, atque ex Monasterio, tanquam ex carcere, Robertum exemissent, Superioribus insciis, inscio Abbate, auunculo inconsulto. Vide, obsecro, nū in tua causa aliquid sit huiusmodi. Primò, quod vir quidam Confessorius: postea, suo ordine, Cubiculi Magister hoc insusurraverint tibi, Nullam vitam beatiorē esse Regulari. Tandem, Primarius, aut Prouincialis illustrissimus, inter Regulares eam vestram antecellere omnino. nam & cognominari ab ipso Iesu, Sed en quod præcipuè allegabatur a Bernardo, & quod proculdubio vocationem atque inspirationem hanc, quam adeo extollitis, necesse est damnari ac reiici.

*Petitio (inquit) quam Regula præcipit, non est pro eo facta a parentibus. quasi diceret: Licet pater, dum viueret, concupiuerit ali-*



P. ÆRODII,

quando ut suus ille esset Cluniacensis: non  
tamen impleuerat desiderium. Itaque quod  
communis Regula disertè exigit, ut qui  
vult Monasterium ingredi, offeratur a pa-  
rentibus, & coram testibus offeratur (id  
enim etiam continet) deest in professione  
vestra Cluniacensi. At in Cisterciensi, ideo  
non fuit necessarium, quia filius tunc tem-  
poris prouectior erat, & erat sui iuris. Cur  
igitur (exclamat Abbas) spoliastis me ne-  
pote? cur meo gaudio? cur fructu spiritus?  
cur animæ dimidio meæ? Non poterat  
saluari mecum? Te, ô nepos (inquit) fefel-  
lit sanctitas: seduxit Religio: perdidit au-  
toritas seniorum. Enimvero, si bonus ille  
Abbas tam acerbè inuehitur in Clunia-  
censes, ut lupos rapaces eos propterea ap-  
pellet: quid mihi liceat aduersus Iesuitas,  
qui viuenti patri filium indignè auferunt,  
negant frudulenter? *forte miserti sunt tui,*  
ut Roberti Cluniacenses: *forte damnatio*  
*imminebat moranti tibi cum parentibus,*  
*cum patruis, auunculis, amitis, cum fratri-*  
*bus & sororibus Christianis & Catholi-*  
*cis.* Atqui, si hoc solum, Monasterium cō-  
mutasse, tam erat periculosum huic nepo-  
ti ut ea re posset animulam perdere (ita

enim Bernardus ille) quid calcanti ac pro-  
iicienti tibi non solum præcepta Domini-  
ca, sed & decreta Patrum: præcipue verò  
tàm tumide & arroganter? Sed quam ob  
causam? non vt fidem mutes, sed vestem:  
non vt Ecclesiam, sed classem? Vide quid  
ad nos vsque Vigoreus ille scripserit in  
Sermonē de Martino: Nulla re inuenies  
dissentientem a vetere illa & sanctissima  
disciplina. Sed ne Iustinianū omittamus:  
Sit ita sanè vt in ea fuerit sententia. Non  
sufficere ad exhæredationem, crimēve  
ingrati vouisse Monasticam sine consensu  
patris: sequiturne, si noxa non est par par-  
ricidio, aut incestui: noxam attamen non  
esse? aut si locus exhæredationi non sit: rē  
propterea carere animaduersione? aut si  
crimine, carere etiam vitio? Non poterat  
filius vxorem ducere sine consensu patris:  
& tamen si fecisset, non erat locus exhæ-  
redationi, nisi duxisset infamen. Itaque nō  
peccabat ducendo vxorem sine consensu  
patris? Nō sequitur Iam affirmo imprimis,  
quicquid Iustinianus dixerit, senserit, om-  
nes retrò Imperatores sensisse cōtrarium:  
hoc est, illo casu admisisse exhæredatio-  
nem. Vnde hoc? quia is ipse profitetur, se



in ea re emēdare ius antiquum. Atqui hoc affirmo quoque, omnes illos Imperatores, ac potissimum Christianos, plus simul habere auctoritatis, quā solum Iustinianū, qui potuit perinde errare in traditione ista, ut erravit in diuortio, & ut ab Euthicete non dissensit. Verum enim uerò certū est (& patet ex fine Constitutionis, ubi agitur de seruis aspirantibus ad Christianismum) cū Iustinianus sustulit exhæredationem quam diximus, cogitasse de liberis Gentilium, qui se sociando Clero, aut Monasterio, acquirebant emancipationē, ut serui eo ipso libertatem. Nam alias, si scripsisset de omnibus omnium liberis, aut de liberis Christianorum duntaxat: nonne verissimile est eum distincturum qua ætate essent qui inuitis parentibus se Ecclesiæ, aut Monasterio mancipassent? videlicet, ut si ante pubertatem, pleniorēve annos: nulla esset Professio. si postea: valeret, sine metu abdicationis? Quod igitur Iustinianus illic cōstituit (Titulo nempe de Episcopis & Clericis) ita est, ut cū fides Christiana fauorabilior esset Paganismo, propterea filij Paganorum, siue essent in potestate patrum, siue non, non

minus hi absque exhæredatione (qualis est quæ extat apud Theodotitum cap. illo xxii.) fierent Ecclesiastici suo voto: quàm serui infidelium, liberi, cum nullo onere pretij restituendi ab Ecclesia, vt ante Iustinianum cauebatur. vnde sic concludit: *hæc omnia pietatis intuitu nostra sanxit æternitas.* Quòd si obiicitur, tandem Iustinianum, Nouellâ cxxiii. §. antepenulti. Christianis ius idē dixisse: verisimile est visum eo tempore, fuisse durum quemquam exhæredari ob Monachatu, propterea quòd qui huic vitæ se mancipasset, non propterea erat Ecclesiastici ordinis. vocabatur ad successionem: & erat voluntatis, manere, aut discedere a Monasterio. Sed postquā huic generi vitæ accessit votum paupertatis & castitatis: frustra parentes liberos exhæredassent, qui sese exhæredabant Monasterio. Nihil quicquam postea quærebat, quàm an Professio valeret sine consensu patris. Displicent tibi hæc omnia? & heres in Iustiniano potissimum? Oppono ei Concilium Constantinopolitanum sextum: oppono decretum illud maximum, quo vtróque renouata est excommunicatio Grangrensis. Verum, vno verbo, op-



P. ÆRODII,

pono tibi extraneo Imperatori, cuius Cō-  
stitutionibus non tenemur, optimos Prin-  
cipes nostros. Oppono statuta Gallicanæ  
Ecclesiæ: omnium Ordinum consensum:  
postremò, res in Senatu iudicatas. Caro-  
lus Magnus multa constituit de Ecclesia,  
idque (vt refert Ansegisus) adhibitis Epif-  
copis, Proceribúsque omnibus. In his hæc  
continentur. lib. v. Cap. xcv. *De pueris verò  
sine voluntate parentum, vt tonsurentur, vel  
puellæ velentur, modis omnibus inhibita est:  
& qui hoc facere tentauerint, mulctam quæ in  
capitulis legis mundanæ à nobis constitutis  
continetur, persolvere cogantur. Mulcta illa  
est in lege Salica, tit. de iis qui pueros vel  
puellas occiderint, vel totunderint. Vbi  
ante omnia annotandum est, & quæ accipi,  
si quis occiderit liberos nostros, aut si pa-  
rentibus inuitis copulauerit Monasterio.  
Nonne est enim interficere, sic agere in  
eos, vt iam parentibus pro extraneis ha-  
beantur? non sint consanguinei? non hæ-  
redes? sit extincta propagatio? sit adempta  
consuetudo? sit ipsa præsentia tanquam  
interdicta morte? Mihi antea videbatur,  
sic auelli a suis, contineri solummodo Fa-  
bia lege. At magnus hic Imperator hoc  
attribuit*

attribuit etiam Corneliæ. Ergo quæ reprehensio, quæ accusatio est, tam sanctos, tam beatos, non solum Christo esse Hypocritas: Ecclesiæ, anathema: plagarios, legibus: Bernardo, lupos: verum etiam Imperatori homicidas? Videamus quod superest, num aliquid sit hodie tale quale illud Caroli Magni. Carolus ix. in Conuentu Aurelianensi, articulo xix. sic constituit: *Ne parentes, tutores, consanguinei que ulli, ullæue liberis, pupillisque permittunto Monasticam profiteri, nisi si masculi annum attigerint xxv. fœminæ, vicesimum. Si ante illa tempora ulla professio fiat: ita allecti, quicquid aliud olim legibus, moribusve obtineret, habeant testamenti factionem: modò ne quid in monasterium conferant.* Hæc Constitutio aliquid plus continet, quàm Concilium Magnuntinense, de quo Distinct. xvi. iii. vii. & xx. Questio. cap. Constituit. Nam quicumque ante illam ætatem comam posuissent, censet posuisse dolo, atque in auaritiam Monachorum. Præterea, tantum abest ut permittat liberis ante illam ætatem se sine consensu patrum addicere Monasterio: ut parentibus, tutoribus, agnatis prohibeat hoc consentire. Quod si res iudicatæ ha-



P. ÆRODII,  
bent auctoritatem apud te: en iudicium  
Senatus, ex Laicis & Ecclesiasticis con-  
scripti, quod in tua causa actum est nomi-  
natum. Id vt nescires fortasse operam de-  
derunt. Quod Petrus Ærodius, Quæstor An-  
degauensis, questus est de Renaro adolescente,  
filio suo, quem Iesuitæ sollicitassent, supressis-  
sent: Rectore, ac Primario Collegij Claromontani  
propterea introductis: ad rogationem Faij,  
Aduocati Regij, D. E. R. I. C. Placere, Ærodio  
dari inquisitionem plagij (nam si crimen nõ  
negassent, iussus esses exhiberi: tandiuque  
esse tuos in vinculis) Interea Senatum prohi-  
bere ne quid in præiudicium fiat, neue illum a-  
dolescentem Iesuitæ societati admisceant suæ.  
futurum alioqui fraudi. Id ne nesciant Collegæ,  
iubere per Claromontanos dici, rescribi suis. In  
Curia, XX. Maij, anno M. D. LXXXVI. fortasse  
etiam leges aliquando quid de re ista Ble-  
sis Gallici Ordines postulauere: & post  
fratrem quid ibi statuet Henricus III. Rex  
noster: Interim iussit renūciari de te Sum-  
mo Põtifici, vt, quod bonis omnibus dis-  
pliceret, id pro sua quoque potestate vellet  
corrigi & emendari. His omnibus vel ra-  
tionibus, vel legibus, vel exemplis quid  
respondes? Si ob factum dolui tuum: aut



si, ob eorum magis, quos certè auctores habes, quàm tuum faciòne expers. cuiuscunque discipline? an transuersum me agit ea perturbatio, quàm Naturæ, quàm sanguini plus tribuitur, quàm par sit? vtrum verò quòd ignorem quid sit in Religione pium, quid purum, quid præcipuum? Sentis (vt opinor) quòd, esse Ecclesiasticum, siue indifferens est, siue honestum per se: nò debuisti in ea re me despiciere. Si indifferens: quia tunc obedientia necessaria est: si honestum: quia honestius est annuente patre. Sanè, si nulli reperirentur qui liberos Ecclesiæ offerrent: essetque nihilominus necessarium iuniores ministrare in Ecclesia: tribuamus Religioni, vt qua vi, quòve dolo captus, deceptusque es, sic possint filii familias aliquando rapi, abducique a parentibus. Sed tot Ecclesiis, Monasteriisue an deficiunt qui quotidie offerantur? At si quicquid in cōtrarium, valet nihilominus votum parētibus inuitis: saltem sit aliquid in eo quòd velint. Optent hoc aut illud Monasterium. Sit in hac inobedientia Ecclesiastica, in quo pietatis illius antiquæ, reuerentiæve quam & Deus Opt. Max. & Natura præscripserunt, reliquæ appareāt



tamen. Atqui tantum abest ut liberi iure  
 ullo possint relinquere parentes quod ad-  
 hæreant Monasterio: ut qui impensius scri-  
 psere de laude vitæ solitariae, fateantur,  
 posse hanc à liberis dimitti, ac renūciari vo-  
 to, quod parentibus inserviant. Hoc enim  
 altero omni maius, antiquiusque esse. Pa-  
 ter ex Gregorio illo Nazianzeno, qui re-  
 uocatus à patre quod litibus non sufficeret  
 quæ ei mortuo Cæsario, altero filio, obue-  
 nerant ex administratione publicorum:  
 deseruit monasticam, & ad parentem cō-  
 tinuò conuolauit. Patet ex Beato illo He-  
 liodoro, qui & Eremum, & Hieronymum  
 reliquit, ut subueniret, non patri, sed (quod  
 minus est) sorori, nepotique quæ diximus.  
 Idem sensit Augustinus, (seu quisquis au-  
 ctor est) ad fratres in Eremito: nec vult ullū  
 cogi posse ut redeat ad monasterium, nisi  
 patre suo defuncto. D. ille Hieronymus,  
 in epistola ad Fabiolam, loquitur de dis-  
 cessione ista, cum ait: *Quanti monachorum,*  
*dum patri, matrisque misereantur, suas animas*  
*perdiderunt?* quibus verbis non improbat  
 discessum, si fieret verè ob paternum ob-  
 sequium: sed ait, plures Monachos, dum  
 prætexunt tales excusationes, vitam &

animam perdere. Quamobrem ut maxime fuisses Iesuita me volente & consentiente: posses hoc tempore seiungi & distrahi a nobis? posses quavis in cellula Religiosè esse, in qua bella, aut potius latrocinia, sine periculo audires, quæ Patriam hodie labefactant? posses non continuo aduolare, ut omni ope, assiduitate, obsequio minueres eam molestiam quæ ex patriæ incêdio, bonis præcipuè, est maxima? Sed vi te detinent fortasse. Esto hoc magis, quàm ut te omnem humanitatem, omnem affectum, ingenuitatem omnem, & præsertim hoc tempore, existimè amisisse. Sed omissâ prærogatiuâ Antiquitatis, si lubet, agamus quoque argumētis. Cum ita sit ut matrimonium pro sacramento habeatur; & vetustiori quidem si ordinem inspicimus: cur apud vos indignè sic tractatur? Nonne necesse est id summo cum detrimento Reipub. & Ecclesiæ pollui, ac prætermitti, dum fructu spoliatur suo? dū pignoribus? dū dissoluitur eo nodo, quo, qui igne & aqua astringitur, qui mensâ, qui thalamo, qui sponsonibus, non strictior ullus, arctiorque est? Quis curet liberos, alere & erudire, si, postquam omni impen-



P. ÆRODII,

sa ac solitudine hoc factum est, alieni sunt, non sui? Si quasi directo quodam iure, aut (quod magis est) Tyrannide Sarra-  
cena, auelluntur a parentibus? si simul ac coniuges nostræ pepererunt, sint liberi statim primi Monachi occupantis? Qui patri eripit filium: educatori, alumnum: domino, seruum: Deo efficit impium, patri irreligiosum, educatori ingratum, domino nequam, inquit Tertulianus aduersus Marcionem. Præterea, tollere obedientiam liberorum, atque reuerentiam perdere: Naturam ipsam effodere est: est a fundamentis, a principio ipso discutere omnem inter homines societatem. Nam qui patri inobediens est, qui matri: is necesse est tandem in impietatem, aut heresim prolabatur, vt a fidelibus & infidelibus vnanimiter scriptum est: videlicet, a Plutarcho, lib. de fraterna amicitia: & a Iesuita quodam, de Britannica heresi. Sed eos ipsos melius est audire. Nullus est (inquit ille) qui, etsi aliter tacitus sentiat, non enūciat, prædicet tamen, primum locum reuerentiæ, Diis: secundum, parentibus eò usque esse a Natura tributum, vt Diis ipsis nihil tam gratum, acceptumque sit, quam



si liberi officiosè ac sponte dissoluant parentibus beneficiorum vsuras, quia nequeant sorrem. Nulla re tam argui contrà deos ne sint, quàm si despiciant parentes, committantue quid aduersus eos vel tantillum. Iesuita verò: *Quid Anglos adolescentes tam citò heresi imbuit?* desierant obedire præceptoribus: desierant esse honorifici in parentes. Quasi diceret, Mirum nō esse si tam facile deficerent a paterna religione ac fide, cū semel contumaciam atque irreuerentiam degustassent. Deus bone! si ea admitti, laudariue potest: an hodie præfertim, & hic apud nos, vbi iam nemo est qui non eximat sese eo officio quo siue Deo obnoxius est, siue Principi, siue Magistratibus, siue maioribus vniuersis? Atqui omnes istæ prærogatiuæ reperiuntur in parente: in filio, istæ obligationes omnes. Honestūne estigitur, vltra proteruiam, fauere etiam illiberali animo & ingrato? In nouissimis diebus (inquit Paulus ad Timotheum) instabunt tempora periculosa. Erunt homines semetipsos amantes, blasphemī, parentibus inobedientes, ingrati, sine affectione. Quod si denuò Religionem obiicis: qui color, Scholasticos



P. Æ R O D I I,

Doctores, Scotum, Durandum, Aquina-  
tem, Paludanum, Dominicum Sotonem,  
aliósque plures, tam sollicitè disputare, an  
liberi infidelium possint baptisari inuitis  
parentibus (Thomas ille omnino perne-  
gat: asseritque Ecclesiam id nunquam per-  
misisse: non Syluestrum, Constantino Ma-  
gno: non Theodosio, Ambrosium) atque  
interea contra paterna vota, vota liberorū  
sic approbari, suscipi sine controversia?  
Sanè si parentes sint Christiani, pronun-  
ciant vno ore, vi adigi posse vt eidem Reli-  
gioni initiēt suos: hosque amplius, vt eam  
sanè fidem profiteantur quæ est ciuium  
vniuersorum. Si qua sit particularis Regu-  
la, aut societas a communi seiuncta: hoc  
minimè quidem. Id enim voluntatis esse.  
vt puta: sufficere, si Christum profiteamur:  
Dominicum, aut Augustinum, non neces-  
se. Sed qui Iudæus, Paganusve esset: B.  
Thomas non solum negat debere attrahi  
ad fidem violentiâ: aut, si minor sit ætate,  
vt ad eam rem pro liberis consentiant pa-  
rentes: verum & Concilium Toletanum  
III. cuius mentio est dist. XLV. cap. de Iu-  
dæis. Si placet, liceat blandè appellare,  
velitne quis magis in clauistro esse, quam  
in Re-

in Repub. Sed vis, an adulatio est, postquam quoquo modo hæc extracta vox est, *Volo monachari*: te deinceps quasi in ergastulo habere, aut te huc & illuc circumducere, agere, ne incidas in parētem, propinquūmve vllum, qui (licet Christianus) te a cogitatione illa dimoveat. quæ obrepfit ante annos: aut, si iam ineunte adolescentiā, tunc obrepfit tamen, cum inest maxima imbecillitas consilij, vt inquit Cicero: An alter es Hercules Prodicti, cui cū pubertate prudentia obrigit? Vtrum liberi nostri ad Clerum, aut ad Monasterium non aliās conuerti possunt, quàm si continuo, quasi igne & aqua, interdicti sint, hoc est, patris, matrisque communione & aspectu? Ecclesia hoc non laudauit nisi in liberis Iudæorum, ne facti Christiani ultra inuoluerentur erroribus parentum. Ita est in Canone. Sed de Christianis diffidere inter Christianos: quod nouum esset Evangelium? Quæ conuenientia, vt, iuxta traditiones Ecclesiæ, Presbyteri nequeant benedicere nubentes, nisi oblatos a parentibus: nequeat Episcopus ordinare extraneū, nisi Dioecesano permittente: nequeat suscipi peregrinus, sine formatis (vt appel-



lant) sine literis dimissoriis, aut commendatitiis: possint verò admitti vota filiorū, filiarūve sine traditione, commendatione, arbitrioque domestico? Sed, ut tandem nostra concludatur oratio: Sic contra ea omnia quæ dicta sunt, patriam potestatem Flocci facito ut velis, siue ut potius tibi præcipiunt ij apud quos tam beatè & Deificè habitas: nihilominus apud liberos benè natos, & verè legitimos, adhuc eam sustinent, sustentant quatuor columnæ. Prima, est indignatio Dei viuentis, qui iniuriam patris reputat suam. *Quàm malæ famæ est (inquit Ecclesiastes) qui derelinquit patrem! & a Deo maledictus qui matrem exasperat!* Secunda: Relegatio filij, cui pater ob inobedientiam sic pronunciat: *Discede a me, atque ab aspectu abstine meo.* Nam & si (ut apparet) nihil habes antiquius: certissimum est tamen, nullum Dei supplicium maius esse aduersus homines patris, in liberos: in subditos, Principis, quàm cū ab iis aspici nolunt, quibus nihil ore, aspectuq; suo debuerat esse iucūdius. De Deo: nōne ita est, ipsam æternam damnationem in priuatione illa consistere: ut contrā, Dei visio, est tota merces? De homini:



bus: Dauidem eo genere animaduertisse in Absalonem! hinc ille post bieanium: Si pater (inquit) memor est adhuc iniquitatis meæ, ô Ioab, mortem magis impetrato. Quid? nonne Manlij Torquati sententia huiusmodi fuit aduersum Iunium Syllanum, quem Macedones accusabant de repetundis: Quia non talis fuisti in imperio quales maiores tui extiterunt: te in conspectum meum venire veto: Non potuit ferre hoc iudicium, manus attulit sibi. Est etiam de Marco Scauro, qui filio è pugna turpiter redeunti, misit qui diceret, *Reus fugæ coram ne accedito*, hoc nuntio, filium, gladio in se, quàm in hostes, fortius vsum. Sed & Augustus, cùm Tarrio aduersus filium domi assideret, ob id ipsum pronunciauit, *Acerbissime puniri qui a paternis oculis submouetur*. Huius poenæ elegantissima est ratio apud Platonem: Nam si (inquit) liberis nullum pulchrius simulachrum est Deorum, nullus domi preciosior thesaurus, quàm decrepiti parentes: quæ durior poenâ iis imponi possit, quàm priuari aspectu tam familiarium Deorum, ne eos liceat tangere, liceat osculari? Si exilium propterea intollerabile est, quia hoc præstat



ut careamus aspectu ædium quarundam,  
 focorum, lapidumve, quos Monumenta  
 appellamus: quid, carere iis hominibus qui  
 nobis ea ipsa construxerunt? imò, qui nos  
 ipsos? & qui nihil sibi voluere suppetere,  
 quàm ut liberis relinqueretur? Quod ad  
 Principem attinet: in promptu est exem-  
 plum eiusdem Augusti, qui ut mulcicaret  
 Athenienses, maluit diuertere in Æginum  
 insulam, quàm videri Athenis. Exemplum  
 Marci Antonini Philosophi, qui obeundo  
 Anthiochiam, accitus noluit ingredi,  
 quòd Auidio consensissent. In promptu,  
 Caroli viii. Principis nostri, qui reportato  
 exercitu ab expeditione Neapolitana, &  
 ad D. Dionysium gratias agens, noluit vi-  
 deri Lutetiæ, quòd proficiscenti non sup-  
 peditauerant nimium. Tertia animaduer-  
 sio quam parentes perpetuò habuerunt, &  
 quam perpetuò sunt habituri: Benedictio  
 est, qua afficiunt gratos & obediētes: Ma-  
 ledictio, quā ingratos & contumaces. Be-  
 nedictio, merces obedientiæ est, inquit  
 Elias Cretensis. Ideoque Gregorius ille  
 qui iam patri audiens esset, non postulat  
*dari sibi* benedictionem, sed *reddi*. Esto:  
 tanti eam ne æstimes, quàm Iacob, aut Io-

sephus, aut Nazianzenus ille. attamen per-  
timeſce maledictionem. Memento filio-  
rum Noë: Recole quod eſt in Deuterono-  
mio, ſecundo loco imprecationum: *Male-*  
*dictus qui non honorat patrem ſuum, & ma-*  
*trēm ſuam. Et dicet omnis populus, Amen.*  
Quod cap. iiii. Eccleſiaſtici: *Benedictio pa-*  
*tris firmat domos filiorum, maledictio autem*  
*matris eradicat fundamenta.* Vide quod eſt  
apud Platonem, lib. xi. de legib. Impreca-  
tiones Oedipi, Amyntoris, Theſei que ad-  
verſus liberos, a Diis ſuſceptas, auditas eſ-  
ſe. Nihil (inquit) filio tam exitioſum, quàm  
paternę, vel maternę dirę. Quod denique  
apud Suidam. de Leontio, Tripolitano  
Epifcopo, cuius precibus annuit Deus,  
filius obiret magis, quàm vt oculis cerne-  
ret eum vitam vivere impiam atque inho-  
neſtam. Poſtremum remedium parētum;  
auxilium eſt Iudicis, qui ad ſolam eorum  
poſtulationem, aut poenā, aut carcere in  
liberos utitur qui eam ſententiam dicit in  
contumacem, quam expoſtulant parentes  
(ita enim ab Alexandro reſcriptum eſt)  
in petulantem, vt cūque leue crimē eſſet  
in extraneo, dura & aſpera omnia. Cur  
ita? vt liberis nihil ſanctius, nihil inuiola-



bilius sit parenti. Est in nostris annalibus,  
 tempore Dni Ludouici Stephanum Bo-  
 læum, Præfectum Parisiensi, suffixisse  
 quendam, quod mater aduersus eum di-  
 xisset, *Nulla curâ posse efficere ne perpetuo far-  
 sit.* Superest igitur, si vis euitare has pœ-  
 nas quæ omni iure filio imminent contu-  
 maci: sique hæc disputatio eam vim habet  
 ut tu ad te ipsum redeas. sitque propterea  
 in animo meditatio officij: hoc agas incō-  
 tinenti. Quod Ecclesia ambabus manibus  
 pœnitenti perpetuò est obuia, parentum  
 imitatione facit. *Veni itaque, & pax erit: re-  
 uerpere, & satisfactum est:* (Nam placet te  
 ita alloqui, ut nepotem Bernardus ille)  
*Contra iuris ordinem reuoco læsus, qui me læsit:  
 spretus, requiro contemptorem: iniuriam pas-  
 sus, iniurioso satisfacio: rogo eum denique a  
 quo debueram rogari.* Sin tibi iterum obtun-  
 ditur, quod ubi attigeris xxv. annum, tum  
 tibi omnia erunt in potestate: neque ha-  
 bebis ampliùs quo ex contumacia me-  
 tuas fraudem: propterea quod te illa æ-  
 tas quasi emancipauerit, reddideritque tã-  
 quam patrem familias: dico, edico tibi: Licet  
 pietas non finiatur pubertate, neque ma-  
 ioribus annis: imò crescat eo tanto: unde

& Plato feuerius in eum animaduertit qui  
xxx. annorum: quàm qui minor, patris in-  
obediens est: edico (inquam) quòd si ma-  
fisses apud me vsque ad legitimam æta-  
tem: possem eo tempore tibi aliquid in-  
dulſisse vitam eam eligenti in qua habili-  
tatem nactus esses. Sed quemadmodum  
virgo quæ rapta est immatura, quandiu  
apud raptorem est, ætatem non attingit:  
matrimonium nunquam confirmatur, vt  
decretum est in ipsa Tridentina Synodo:  
sic, quos annos fueris ibi affecutus vbi me  
inuito te custodiunt: ne ita eos prodesse  
putes, quin quicquid postea vsurpaueris,  
perpetuò irritum, prophanum, illegiti-  
mumque sit. Cur ita? quia Iesuitæ te semel  
seduxerunt, & es semper apud eos mala  
fide, malo more: & cum iactura atque de-  
trimento alieno te contrectant. Non pos-  
se excipi, ibi quid fieri a Spiritu Sancto,  
vbi ita agendo contrahitur maleficio.  
Quemadmodum res furtiua quoúsque re-  
dierit in domini potestatem, perpetuò vi-  
tiosa est: sic qualiscúnque succreueris, in  
æternum erit in te & plagium, & latroci-  
nium, nisi te arbitrio subiiciant meo.



P. ÆRODII,

Estne qui tibi cōtrarium prædicet? dic illi  
ex Platone: Mente, & ingenio opus habes.

Γονέων γὰρ ἀμελεῖν, ὅτε θεός, ὅτε ἀνθρώ-  
πος νοῦν ἔχων, ξύμβουλός ποτε γένοιτ' αὖ  
ὁδεῖς ὁδεῖ.

FINIS.



## Extraict du Priuilege.

**P**Ar grace & priuilege du Roy, il est permis à  
Jeremie Perier marchand Libraire à Paris,  
d'imprimer ou faire imprimer, vn liure intitulé  
*P. Ærodijs quasitoris Andegani, de Patrio iure, ad fi-*  
*lium Pseudojesuitam.* Et sont faiçtes defences à  
toutes personnes de quelque qualité ou condi-  
tion qu'il toyët, d'imprimer ou faire imprimer  
vendre ou distribuer lediçt liure, sur peine de  
confiscation desdits liures & d'amende arbitrai-  
re, comme plus à plein est déclaré. Donné à Pa-  
ris le 18. Iour de Nouemb. 1594.

Par le Roy en son Conseil.

GOGVYER.



Errata sic corrigito.

Fol. 3. lig. 5. Lauicanos. fol. 6. lig. 23. humana. & lig. 25. In Deo  
& in lig. 19. (ut diximus) fol. 8. lig. 18. filii familias. fol. 13. lig.  
19. preludia & exordia. fol. 14. lig. penult. Respub. fol. 15. b. lig.  
2.  $\mu\delta\sigma\alpha$ . fol. 16. lig. 15. amittunt. f. 17. lig. 4. sintne. fol. 18. lig.  
1. bauerit ecclesia. fol. 19. lig. 7. renunciant. f. 20. lig. 11. Patei &  
lig. 18. Quam f. 21. corne f. lig. 24. patres familias. f. 22. b. lig. 1.  
lectio. fortitioque & li. 12. posuisset. f. 24. lig. 21. faciunt: videli-  
cet, ut quemadmodum. f. 32. a. lig. 1. & sibi. & Apostolis b. lig.  
ult. Sequere me, & sine f. 40. b. lig. 21. excepta lig. 22. quam.





